

ಅಕಾಡೆಮಿ

ಪ್ರಕಾಶನ



ನಾಳೆ: 21-7-2012 ನಾಳೆ
ಶೈಕ್ಷಣಿಕ ಸಂಸ್ಥೆ

ಕೊಡವ ಸಾಹಿತ್ಯ ಅಕಾಡೆಮಿ, ಮಡಿಕೇರಿ



BVP-1058-9/1/17
④ 968-9/887.

ಅಕಾಡೆಮಿರ

ಪ್ರಚಾರ

ಗೌರವ ಸಂಪಾದಕ :
ಅಡ್ಡಂಡ ಸಿ. ಕಾರ್ಯಪ್ಪ

ಸಂಪಾದಕ :
ತೇಲಪಂಡ ಕವನ್ ಕಾರ್ಯಪ್ಪ

ಬೋಳಿಪಡ್ತನವು :
ರಿಜಿಸ್ಟ್ರಾರ್
ಕರ್ನಾಟಕ ಕೊಡವ ಸಾಹಿತ್ಯ ಅಕಾಡೆಮಿ, ಮಡಿಕೇರಿ
ದೂರವಾಣಿ : 08272- 229074

ಅಚ್ಚಾರ :
ಶ್ರೀ ಕೃಷ್ಣ ಕಂಪ್ಯೂಟರ್ಸ್ ಅಂಡ್ ಪ್ರಿಂಟರ್ಸ್,
ಪೂಜಾ ಆರ್ಕಡ್, ಮಡಿಕೇರಿ. ಫೋನ್ : 9448135592

ಹಕ್ಕು : ಕರ್ನಾಟಕ ಕೊಡವ ಸಾಹಿತ್ಯ ಅಕಾಡೆಮಿ, ಮಡಿಕೇರಿ

ನಂಗಡ ಪಳಮೆ

1. ಗೌರವ ಸಂಪಾದಕಂಡ ಮುಂಜೊಲ್ಲ್
2. ಸಂಪಾದಕಂಡ ತಕ್ಕ
3. ಅಕಾಡೆಮಿ ಸದಸ್ಯಂಗಡ ಪರಿಚಯ
4. ನಂಗಡ ಸಿಬ್ಬಂದಿಯ
5. ಪುದಿಯ ಚಿಂತನೆರಡಿಲ್ ಅಕಾಡೆಮಿ
6. 2012-13ನೇ ಕಾಲತರ ಕ್ರಿಯಾಯೋಜನೆ
7. ಕೊಡವ ತಕ್ಕ ಪುಸ್ತಕ ಪ್ರಕಟಣೆ
8. ಅಕಾಡೆಮಿಲ್ ಮಾರಾಟಕ್ ಕೊಟ್ಟವ ಪುಸ್ತಕ

ಗೌರವ ಸಂಪಾದಕಂಡ ಮುಂಜೊಲ್

ನಂಗಡ ಅಕಾಡೆಮಿರ 'ನಾಡ್ ಪಾಟ್'ಲ್ ಎಲ್ಲಿ ಭೂದೇವಿ ದೇವನೆಲೆ ತೇಡಿ ಬಂದ ನಾಡೇಂದ್ ದೇವಾನು ದೇವತೆಯಳೇ "ದೇವನೆಲೆ" ತೇಡಿ ಬಂದ ಪುಣ್ಯ ಭೂಮಿ ಈ ನಾಡ್. ಈ ಕೂಡಗೇ ಒರ್ ತೀರ್ಥಕ್ಷೇತ್ರ.

ಬಾಳೋ ಬಾಳೋ ನಂಗಡ, ದೇವಬಾಳೋ ಮಾದೇವ, ಪಟ್ಟ, ಬಾಳೋ ಸೂರಿಯ, ಕೂಡ ಬಾಳೋ ಚಣ್ಣೂರ, ಭೂಮಿ ಬಾಳೋ ಜಬ್ಬೂಮಿ, ಕನ್ನಿ ಬಾಳೋ ಕಾವೇರಿ, ಗಂಗೆ ಬಾಳೋ ತೀರಾತ.

ಇನ್ನನೆ ತಾನ್ ಬಾಳಂಡೂಂದ್ ಕೇಕತೆ ಈ ಪ್ರಕೃತಿಯೇ ಬಾಳಡೇಂದ್ ಕೇಟ ಪೆರಿಯ ಜನಪದಂಗಡ, 'ಅಂಬಿಕ ಸುಗ ಮಾಡ್ ಈ ಜಗಕ್'ಂದ್' ಕೇಟ ವಿಶಾಲ ಮನಸ್ಸಾರ ಕವಿ, ಸಾಹಿತಿಯ ಪುಟ್ಟನ ಕರ್ಮ ಭೂಮಿ ಈ ನಾಡ್. ಇಂತಹ ಪುಣ್ಯ ಭೂಮಿಲ್ ಪುಟ್ಟಾವದೇ ಒರ್ ಭಾಗ್ಯ. ಏಳ್ ಜನ್ಮತಾರ ಪುಣ್ಯಫಲ. ನಾಡ್ಕೋರ್ ಮಾದೇವ, ಊರ್ಕೋರ್ ಪೊವ್ವವಿ, ಕೇರಿಕೋರ್ ಅಯ್ಯಪ್ಪ, ಓಣಿಕೋರ್ ನಾತನ್, ಒಕ್ಕಕೋರ್ ಪೂದನ್, ದೇಶಕೋರ್ ಇಗ್ಗುತಪ್ಪ, ಕುಲಕೋರ್ ಕಾವೇರಮ್ಮ, ಇಂತ ನಂಗಡ ಸಂಸ್ಕೃತಿರ ನಾಡ್. ಇಂತಹ ಪುಣ್ಯ ಭೂಮಿಲ್ ಸಾಹಿತ್ಯ, ಸಂಸ್ಕೃತಿ, ಕಲೆರನ್ನತ ಶಾರದದೇವಿರ ಸೇವೆ ಮಾಡುವಕ್ ಯೋಗ ಕೊಟ್ಟವದ್ ಭಾಗ್ಯವೇ ವಿನಃ ಬೋರೆ ಒಂದೂ ಅಲ್ಲ. ಇಂತಾ ಯೋಗಯೋಗತನುಂಡ್ ನಾನ್ ಪಿಂಞ ನಂಗಡ ಎಲ್ಲ ಸದಸ್ಯಂಗಳ ಸರಕಾರ 'ಕರ್ನಾಟಕ ಕೂಡವ ಸಾಹಿತ್ಯ ಅಕಾಡೆಮಿರ ಅಧ್ಯಕ್ಷ- ಸದಸ್ಯಂಗಾಂದ್ ನೇಮಕ ಮಾಡಿತ್. ಆದ್ಯವಾಯಿತ್ ನಂಗಳ ನೇಮಕ ಮಾಡ್ನಾಂಗ್ ನಂಗಳ ಆಯ್ಕೆ ಮಾಡ್ನ ಜನಪ್ರತಿನಿಧಿಯಳಾನ ಸ್ನೀಕರ್ ಬೋಪಯ್ಯ, ಮಂತ್ರಿ ಅಪ್ಪಚ್ಚಿ ರಂಜನ್, ಮಾಜಿ ಮುಖ್ಯಮಂತ್ರಿ ಸದಾನಂದಗೌಡ ಇಯಂಗಕ್ ವಂದನೆ ಸಲ್ಪೆಚಿಡುವಿ.

ನಂಗಡ ಜವಬ್ಬಾರಿ ನಂಗ ಅರಿಂಜಿತ್, ಸರಕಾರತಾರ ಆಶಯ ಎಂತ ಉಂಡ್ ಆ ನೊಟ್ಲ್ ನಂಗ ಕೆಲಸ ಮಾಡ್ವ. ನಂಗಡ ಅದಿಕವಿ ಹರದಾಸ ಅಪ್ಪಚ್ಚಿಕವಿ ಎಳ್ದಾನ ನೀತಿ ಪಾಕ್ಯ 'ಭಾಗ್ಯ ಬಪ್ಪಕ ಬಗ್ಗಿ ನಡ್ಂದ, ಚೋಗಲೊ ಬಪ್ಪಕ ಬೋಗಲೊ ತೇತ, ಧರ್ಮಕ್ ತಪ್ಪತೆ ಕರ್ಮಕ್ ಪೋತೆ, ಮರ್ಮಲೋ ಬೈಯ್ಯತೆ ನೀನ್' ಇದಾನ ಎಕ್ಕಾಲು ನಂಗ ನಂಗಡ ಕಮಿಲ್ ಗುಂಯ್ ಗುಟ್ಟುಚಿಟ್ಟಿಂಡ್ ಇಪ್ಪ.

ಇಂದ್ ಸರಕಾರ ಕಾಲಕ್ ಉ. 40 ಲಕ್ಷ ಅನುದಾನ ತಪ್ಪ. ಕೂಡವ ತಕ್ಯ, ಸಾಹಿತ್ಯ, ಚಾನಪದ, ಕಲೆ, ಸಂಸ್ಕೃತಿ ಈ ಪಂಚ ಸೂತ್ರತಾನ ಬೆಚ್ಚಿಂಡ್ ನಂಗ ಕೆಲಸ ಮಾಡ್ವಕ್ ನಿರ್ಧಾರ ಮಾಡಿತ್. ಮಿಂಞತಾರ ಪೀಳಿಗೆನ ಮನತ್ ಬೆಚ್ಚಿಂಡ್ ಸಂಸ್ಕೃತಿನ ಪೋತ್ವಕ್ ನಂಗಡೆಲ್ಲಾ ಸದಸ್ಯಂಗ ಪತ್ ಪೆರಿಯಯಿಂಗಡ ಸಲಹೆನ ಮುಪ್ಪಡೆ ಕೇಟಿತ್ ಉ. 1ಕೋಟಿರ ಯೋಜನೆ ರೂಪ್ಚಿಟ್ಟಿತ್. ಇಕ್ಕಾಕಲೆ ಈ ಯೋಜನೆನ ನಂಗ ಮಾಧ್ಯಮತ್ ಬುಡ್ಗಡೆ ಮಾಡಿತ್. ತಕ್ಯ (ಭಾಷೆ) ಉಳಿಂಜಕ ಜನಾಂಗ ಉಳವ. ಆಂಗಾಯಿತ್ ತಕ್ಯಕ್ ಆದ್ಯತೆ.

ಒಂದ್ ಎಣ್ಣಾವಕ್ ಇಷ್ಟಪಡ್ವಿ. ಕೂಡವ ಅಕಾಡೆಮಿಲ್ ಕಾರ್ಬಾರ್ ಪಾರದರ್ಶಕವಾಯಿತ್ ಇಪ್ಪ. ಇದ್ ಜನಡ ಸೊತ್ತ್. ನಂಗ ಇಲ್ಲಿ ಸಾಹಿತ್ಯ-ಸಂಸ್ಕೃತಿರ ಸೇವಕಂಗ ಮಾತ್ರ. ಇದ್ ನಂಗ ಅಕಾಡೆಮಿಲ್ ಎಂಥ ಮಾಡಿತ್ ಎಣ್ಣವ ಸುದ್ದಿ ಸಮಾಚಾರ, ನಿಂಗಡ ಅರಿವಿಕಕ್ ಇದಾನ ನಂಗ 'ಅಕಾಡೆಮಿರ ಪಳಮೆ'ಂದ್ ಕಾಕಿತ್. ಈ ಪಳಮೆನ ಎಲ್ಲಾ ಮೂಂದ್ ತಿಂಗಕ್ ಒಮ್ಮೆ ಕೂಡ ಬಪ್ಪ ಇರಾದೆ ಮಿಂಞಕ್ ಉಂಡ್. ನಿಂಗಡ ಸಹಕಾರ ಬಯಂದವ. ಒಟ್ಟಾರೆ ನಂಗಡ ದೃಷ್ಟಿ, ಗೇನ ಒಂದೇ. ನಂಗಡದ್ ಇದ್ ದೇವತಾ ಕಾರ್ಯ, ಸರಕಾರ ತಪ್ಪನ್ನತ ಅನುದಾನ ಪಣ ಭಂಡಾರ ಇಂಜನ್ನಕೆ. ಕೂಡವ ತಕ್ಯ- ಸಾಹಿತ್ಯ ಬೋಳಿಯಡ್, ಕೂಡವ ಜನಪದ -ಕಲೆ ಉಳಿಯಡ್, ಬಾಳಡ್ ನಂಗಡ ಸಂಸ್ಕೃತಿ.

ಶೂರ ಬ್ರಹ್ಮಂಧ ರಾಣಿ-ವಾಣಿ ತಾರೋ ಗುಣ ಸರಸ್ವತಿ
ಬಾರೋ ನಾವುಲ್ ಎಳ್ತ್ ಅರಿವಕ್ ಬೇರ ತಾ ಸರಸ್ವತಿ.

ಅಡ್ಡಂಡ ಕಾರ್ಯಪ್ಪ
ಅಧ್ಯಕ್ಷ
ಕರ್ನಾಟಕ ಕೂಡವ ಸಾಹಿತ್ಯ ಅಕಾಡೆಮಿ.

ಸಂಪಾದಕಂಡ ಪಳಮೆ

ಅಕಾಡೆಮಿರ ಪಳಮೆ ಎಣ್ಣುವದ್ ಕೂಡವ ಸಾಹಿತ್ಯ ಅಕಾಡೆಮಿರ ಆದ್ಯ ಸಂಚಿಕೆ. 1995ನೇ ಅಕ್ಟೋಬರ್‌ಲ್ ಪಾರ್ತಾ ಸಂಚಿಕೆ ಪೂರ ಬಂದದು ಚೆನ್ನ ಸಮಯಕತ್ತನೆ ಅಕ್ಕತ ಅಕಾಡೆಮಿರ ಆಡಳಿತ ಮಂಡಳಿ ಈ ಸಂಚಿಕೆನ ಕೂಡಬಂದಂಡ್ ಇಂಜತ್.

ಅಕಾಡೆಮಿರ ಕಲಸ ಕಾರ್ಬಾರ್ ನಾಡ್‌ರ ಎಲ್ಲಾ ಮಾಜನಂಡ ಅರಿವಿಕಕ್ ಕೂಡಬರಂಡೂಂದ್ ಎಣ್ಣುವ ಉದ್ದೇಶತ್‌ಲ್ ಈ ಸಂಚಿಕೆನ ಬೊಳಿಪಡ್ತಿಯಂಡ್ ಉಂಡ್. ಸದ್ಯಕ್ ಇದ್‌ನ ಪ್ರಯೋಗ ರೂಪತ್ ಕೂಡವ ತಕ್ಕ್‌ಲ್ ಬೊಳಿ ಪಡ್ತಿಯಂಡ್ ಉಂಡ್. ಭಾಷಾಭಿಮಾನಿಯಡ ಅಭಿಪ್ರಾಯ, ಒತ್ತಾಸೆ ಪೋಲೆ ಇದ್‌ನ ಇಂಞಚ್ಚಕೂ ಚಾಯಿ ಕೂಟ್‌ವಕ್ ಗೇನ ಮಾಡಿತ್.

ಈ ಸಂಚಿಕಲ್ ಕೂಡವ ಸಾಹಿತ್ಯ ಅಕಾಡೆಮಿರ ಇಕ್ಕತ ಆಡಳಿತ ಮಂಡಳಿ ಏದೇದ್ ಕಾರ್ಬಾರ್ ಮಾಡಿತ್ ಆಂಡ ವರದಿ ಉಂಡ್. ಒರ್ ತರತ್ ಅಕಾಡೆಮಿರ ಸುದ್ದಿಪತ್ರಿಕೆ ಎಣ್ಣೊಲು. ಇದ್‌ನುಂಡ್ ಅಕಾಡೆಮಿ ಎಂಥೆ ಮಾಡಿಯಂಡುಂಡ್ ಎಣ್ಣುವ ಸುದ್ದಿರ ಚೊತೆಕ್ ದಾಖಲೆಯೂ ಆಪ.

ಮಾಜನ ತಂಗಳೂ ಓದುವಾಂಡ ಕೂಟ್‌ಕ್ ಬೋರೆವು ಇದ್‌ನ ಎಡ್‌ತ್ ಒದ್‌ನಕೆ ಸಹಕಾರ ತರೊಂಡು. ಕೂಡವ ತಕ್ಕ್‌ರ ಕೂಡೇ ಕೂಡವ ಸಾಹಿತ್ಯ, ಸಂಸ್ಕೃತಿ, ಕಲೆ, ಜಾನಪದತ್‌ರ ಬೊಳಚೆಕೂ ಎಲ್ಲರೂ ಕೈ ತೆಕ್ಕಿ ನಿಕ್ಕೊಂಡು.

"ಕೂಡವಾಮೆ ಬೊಳಿಯದ್"

ಮಡಿಕೇರಿ

ಸೋಮವಾರಪೇಟೆ

ತೇಲಪಂಡ ಕವನ್ ಕಾರ್ಯಪ್ಪ

ಅಕಾಡೆಮಿ ಸದಸ್ಯಂಗಡ ಪರಿಚಯ



ಅಡ್ಡಂಡೆ ಸಿ. ಕಾರ್ಯಪ್ಪ

ಅಧ್ಯಕ್ಷ, ಕರ್ನಾಟಕ ಕೊಡವ ಸಾಹಿತ್ಯ ಅಕಾಡೆಮಿ

ಪೊನ್ನಂಪೇಟೆರ ಹುದೂರ್ ಗ್ರಾಮತ್ ವಾಸವುಳ್ಳ ಇವು ಅಡ್ಡಂಡೆ ಚಂಗಪ್ಪ ತಂಗಮ್ಮ ದಂಪತಿಯಡ ಮೋಂವ, ಬಿ.ಎ ಪದವಿ 1984ಲ್ ನಿನಾಸಮ್ ರಂಗ ಶಿಕ್ಷಣ ಪದವಿ ಪಡಂದಿತ್. ಪೊನ್ನಂಪೇಟೆಲ್ ಸೃಷ್ಟಿ ರಂಗ ಸಂಸ್ಥೆನ ಸ್ಥಾಪನೆ ಮಾಡಿತ್. ಕೊಡವ ಪಿಂಞ ಕನ್ನಡ ನಾಟಕತ್ ಪ್ರದರ್ಶನ ಮಾಡಿತ್. ಕರ್ನಾಟಕ ನಾಟಕ ಅಕಾಡೆಮಿ, ಕೊಡವ ಅಕಾಡೆಮಿ ಸದಸ್ಯಂಗಳಾಯಿತ್ ಸೇವೆ. ಕರ್ನಾಟಕ ನಾಟಕ ಅಕಾಡೆಮಿ ಪ್ರಶಸ್ತಿ ಪಡಂದತ್, ಕರ್ನಾಟಕ ಕೊಡವ ಸಾಹಿತ್ಯ ಅಕಾಡೆಮಿ ಪ್ರಶಸ್ತಿ, 2005ಲ್ ಕರ್ನಾಟಕ ರಾಜ್ಯೋತ್ಸವ ಪ್ರಶಸ್ತಿ, ಕೊಡವ ಸಿನಿಮಾ, ಪತ್ರಿಕಾ ಸಂಘತ್ ಅಧ್ಯಕ್ಷ, ತಾಲೂಕ್ ಪಂಚಾಯಿತಿ ಸದಸ್ಯ, ಕೊಡವ ಸಮಾಜ ಅಧ್ಯಕ್ಷ ಇನ್ನನೆ ಬಹುಮುಖ ಪ್ರತಿಭೆ. ಕೇಂದ್ರ ಸಾಹಿತ್ಯ ಅಕಾಡೆಮಿರ ಭಾಷಾ ಸಮ್ಮಾನ್ ಪ್ರಶಸ್ತಿ ಪಡಂದಿತ್.



ಶ್ರೀ ವಿ.ಎನ್. ಮಲ್ಲಿಕಾರ್ಜುನ ಸ್ವಾಮಿ
ಜಂಟಿ ನಿರ್ದೇಶಕರು,

ಕನ್ನಡ ಪಿಂಞ ಸಂಸ್ಕೃತಿ ನಿರ್ದೇಶನಾಲಯ,
ಬೆಂಗಳೂರ್.



ಶ್ರೀಮತಿ ಎನ್. ಶಾಂತಮ್ಮ
ರಿಜಿಸ್ಟ್ರಾರ್



ಶ್ರೀಮತಿ ಹೆಚ್.ವಿ. ಇಂದಿರಮ್ಮ
ಅರ್ಥಸದಸ್ಯ

ಶ್ರೀ ಮಾಳೇಟಿರ ಅಭಿಮನ್ಯುಕುಮಾರ್



ಮಾಳೇಟಿರ ಬೋಪಣ್ಣ ಬೋಜಮ್ಮ ದಂಪತಿಯಡ ಮೋಂವ. ಸೋಮವಾರಪೇಟೆ ಕೊಡವ ಸಮಾಜತ್ ಅಧ್ಯಕ್ಷಂಗಳಾಯಿತ್ ಸೇವೆ ಮಾಡಿಯಂಡ್ ಉಂಡ್. ಇವು ವೃತ್ತಿಲ್ ನೋಟರಿ ವಕೀಲ, ಕಾಫಿ ಪ್ಲಾಂಟರ್, ಎಂ.ಸಿ.ಪಿ.ಸಿ.ಎಸ್ ಮೈಸೂರ್ ಅಧ್ಯಕ್ಷಂಗಳಾಯಿತೂ, ಕಂಸೂಮರ್ ಸ್ಟೋರ್ ಅಧ್ಯಕ್ಷಂಗಳಾಯಿತೂ, ನಿರ್ದೇಶಕ ಪಿಂಞ ಉಪಾಧ್ಯಕ್ಷ ವಿ.ಎಸ್.ಎಸ್.ಎನ್ ಬ್ಯಾಂಕ್ ಸೋಮವಾರಪೇಟೆ, ಉಪಾಧ್ಯಕ್ಷ, ಸದಸ್ಯ ತಾಲೂಕ್ ಪಂಚಾಯಿತಿ, ಅಧ್ಯಕ್ಷ ಪಿಂಞ ಕಾರ್ಯದರ್ಶಿ ಸೋಮವಾರಪೇಟೆ ಜೆ.ಸಿ.ಐ.ಲ್ ಸೇವೆ ಮಾಡಿತ್. ಇಕ್ಕ ಸೋಮವಾರಪೇಟೆ ಬಾರ್ ಅಸೋಶಿಯೇಷನ್ ಅಧ್ಯಕ್ಷ, ಜೂನಿಯರ್ ಕಾಲೇಜ್ ಎಸ್. ಬಿ.ಸಿ ಕಮಿಟಿರ ಅಧ್ಯಕ್ಷಂಗಳಾಯಿತೂ ಬೋರೆ ಬೋರೆ ಸಂಘ ಸಂಸ್ಥೆಲ್ ಸೇವೆ ಮಡಿಯಂಡ್ ಉಳ್ಳ ಫಲತರ ಕ್ಷೇತ್ರತ್ ಪ್ರಾಮಾಣಿಕ ಸಮಾಜ ಸೇವಕ.



ಶ್ರೀಮತಿ ಚೇಂದಿರ ನಿರ್ಮಲಾ ಬೋಪಣ್ಣ

ಪೊನ್ನಂಪೇಟೆರ ಕುಪ್ಪಂಡ ನಾಚಪ್ಪ-ಕುಂಞಮ್ಮ ದಂಪತಿಯಡ ಮೋವಳಾನ ಇಯಂಗ ಚೇಂದಿರ ಬೋಪಣ್ಣ ಅಯಿಂಗಳ ಮಂಗಲಾಯಿತ್. ಮೈಸೂರ್ ವಿಶ್ವವಿದ್ಯಾಲಯತ್ ಸಂಗೀತ ಸ್ನಾತಕೋತ್ತರ ಪದವಿ ಪಡಂದಿತ್, 1981-82ಲ್ ಪೊನ್ನಂಪೇಟೆಲ್ "ನಿನಾದ ಸಂಗೀತ ನೃತ್ಯ" ವಿದ್ಯಾ ಸಂಸ್ಥೆನ ಸುರು ಮಾಡಿತ್ ಮಕ್ಕಕ್ ಶಾಸ್ತ್ರೀಯ ಸಂಗೀತ, ನೃತ್ಯತನ ತರಬೇತಿ ಕೊಡತಂಡ್, ಪ್ರೌಢ ಶಿಕ್ಷಣ ಪರೀಕ್ಷಾ ಮಂಡಳಿರ ಪರೀಕೆನ ಉತ್ತಮ ದರ್ಜೆಲ್ ಪಾಸ್ ಮಾಡಿತ್. ಜಿಲ್ಲೆ ಪಿಂಞ ಪೊರಜಿಲ್ಲೆಲ್ ಸುಮಾರ್ ಕಾರ್ಯಕ್ರಮ ಕೊಡತ ಅನುಭವ ಇಯಂಗಡದ್. ಕೊಡಗಲ್ ನಡಂದ ಎಲ್ಲಾ ಕೊಡವ ಸಾಹಿತ್ಯ ಸಾಂಸ್ಕೃತಿಕ ಮೇಳತ್ ಭಾಗವಹಿಸಿತ್. ಸಾಂಸ್ಕೃತಿಕ ಕ್ಷೇತ್ರತ್ ಮಾಡ್ನ ಸೇವೆಕ್ ಕರ್ನಾಟಕ ಕೊಡವ ಸಾಹಿತ್ಯ ಅಕಾಡೆಮಿರ ಪ್ರಶಸ್ತಿ ಪಡಂದಿತ್. ದೆಹಲಿ ಕೊಡವ ಮೇಳತ್ ಉಮ್ಮತ್ತಾಟ್ ಪ್ರದರ್ಶನ, ಕಯಿಂಜ ದಂಡ್ ಕಾಲತ್ಂಜ ಕೊಡವ ಕುಟುಂಬತ್ರ ಮದ್ಯತ್ ಉಮ್ಮತ್ತಾಟ್-ಬೊಳಕಾಟ್ ಸ್ಪರ್ಧೆ ನಡತಿತ್. ನಿನಾದ ವಿದ್ಯಾಸಂಸ್ಥೆರ ಅಧ್ಯಕ್ಷೆ ಆಯಿತ್ ಸೇವೆ.

ಪ್ರೊ. ಇಟ್ಟೀರ ಕೆ. ಬಿದ್ದಪ್ಪ

ಹುದಿಕೇರಿ ಕೋಣಗೇರಿ ಗ್ರಾಮತ್ ಇಟ್ಟೀರ ಕುಶಾಲಪ್ಪ ತಂಗಮ್ಮ ದಂಪತಿಯಡ ಮೋಂವ. ಮಾನಸ ಗಂಗೋತ್ರಿ ಸ್ನಾತಕೋತ್ತರ ಪದವಿ. 38 ಶಿಕ್ಷಣ ಕ್ಷೇತ್ರತ್ ಸೇವೆ. ಕಾವೇರಿ ಕಾಲೇಜ್ ವೀರಾಜಪೇಟೆ ಪಿಂಞ ಗೋಣಿಕೊಪ್ಪತ್ ಪ್ರಾಂಸುಪಾಲ. ಎನ್. ಎಸ್. ಎಸ್. ಸೇವೆ. ಮಂಗಳೂರ್ ವಿಶ್ವವಿದ್ಯಾಲಯ ಶೈಕ್ಷಣಿಕ ಮಂಡಳಿ ಸದಸ್ಯ, ಅಖಿಲ ಕೊಡವ ಸಮಾಜ ಪೆರಿಯ ನಿರ್ದೇಶಕ, ಕೊಡವ ನಾಟಕ, ಸಾಹಿತ್ಯ, ಫಲತರ ಎಳ್ತ್, ವ್ಯಂಗ್ಯಚಿತ್ರ ಕಲಾವಿದ. ಸಮಾರಲ್ಲಾ ಸಂಘ ಸಂಸ್ಥೆಲ್ ಗೌರವ ಸನ್ಮಾನ, ಮಂಗಳೂರ್ ವಿಶ್ವವಿದ್ಯಾಲಯತ್ ಪಾಂಶುಪಾಲ್ ಸಂಸ್ಥೆಲ್ ಸನ್ಮಾನ. ಸಾಮಾಜಿಕ ಸೇವೆಲ್ ಸದಾ ನಿರತ.



ಶ್ರೀ ಬೊಟ್ಟೋಳಂಡ ಮಿಟ್ಟು ಪೂಣಚ್ಚ



ಪೇರೂರ್ ಗ್ರಾಮತ್ ವಾಸ ಉಳ್ಳ ಇವು ಕೊಡವ ಭಾಷೆಲ್ ಚುಟುಕ, ಕತೆ, ಕವನ, ದಾರಾವಾಹಿರ ಮೂಲಕ ಕೊಡವ ಪತ್ರಿಕೆಲ್ ಎಳ್ತಿದಿತ್. ಕೊಡಗ್ ಶಕ್ತಿ ಪತ್ರಿಕೆರ ಗೌರವ ವರದಿಗಾರನಾಯಿತ್ ಸೇವೆ, ಕೊಡವ ತಕ್ಕ ಎಳ್ತಕಾರಡ ಕೂಟತ್ ಸ್ಥಾಪಕ ಉಪಾಧ್ಯಕ್ಷ, ಕಾರ್ಯದರ್ಶಿಯಾಯಿತ್ ಸೇವೆ, 3-4 ಕೊಡವ ಭಾಷೆರ ಕಾದಂಬರಿ ಪುಸ್ತಕ ಎಳ್ತಿದಿತ್. ಮಡಿಕೇರಿ ತಾಲೂಕ್ ಯುವ ಒಕ್ಕೂಟತ್ ಸಂಘಟನಾ ಕಾರ್ಯದರ್ಶಿಯಾಯಿತ್ ಸೇವೆ ಮಾಡಿಯಂಡ್ ಉಂಡ್. ಕರ್ನಾಟಕ ಕೊಡವ ಸಾಹಿತ್ಯ ಅಕಾಡೆಮಿರ ಸನ್ಮಾನ-ಪ್ರಶಸ್ತಿ ಪಡಂದಿತ್. ಆಕಾಶವಾಣಿ-ದೂರದರ್ಶನತ್ ಕೊಡವ ಕಾರ್ಯಕ್ರಮ ನಡತಿತ್. ಮಡಿಕೇರಿ ತಾಲೂಕ್ ಕನ್ನಡ ಸಾಹಿತ್ಯ ಪರಿಷತ್ ಅಧ್ಯಕ್ಷಂಗಲಾಯಿತುಂಡ್. ಇನ್ನನೆ ಬೋರೆ ಬೋರೆ ಸಂಘ ಸಂಸ್ಥೆಲ್ ಸೇವೆ ಮಾಡಿಯಂಡ್ ಉಳ್ಳ ಇವು ಕೊಡವ ಸಾಹಿತ್ಯತನ ಬೊಳತಿಯಂಡುಳ್ಳ ಪ್ರತಿಭೆ.

ಶ್ರೀ ಚರ್ಮಂಡ ಪೂವಯ್ಯ(ಅಪ್ಪುಣು)

ಇವು ವೀರಾಜಪೇಟೆ ತಾಲೂಕ್ ಕುಂಜಲಗೇರಿ ಗ್ರಾಮತ್ ಚರ್ಮಂಡ ಸುಬ್ಬಯ್ಯ-ಸುಬ್ಬವ್ವ ದಂಪತಿಯಡ ಮೋಂವನಾನ ಇವು ದೇಶಿ ಜಾನಪದ ಕಲಾವಿದ. ಕೊಡಗೂ ಕೂಡನನ್ನೆಕೆ ದೇಶತ್ರ ಬೋರೆ ಬೋರೆ ಕಡೆಲ್ ಕೊಡವ ಜಾನಪದ ಆಟ್ ಆನ ಬೊಳಕಾಟ್, ಕೋಲಾಟ್, ಕತ್ತಿಯಾಟ್, ಪರೆಯಕಳಿ ಇನ್ನತಾನ ಪ್ರದರ್ಶನ, ಪಿಂಞ ತರಬೇತಿ ಕೊಡತ ಪಡಿಪುಕಾರ. ಇವು ರಾಷ್ಟ್ರೀಯ ಸ್ವಯಂ ಸೇವಕ. ಸಂಘ ಸಂಸ್ಥೆಲ್ 1978ಲಿಂಜ 8 ಕಾಲ ಕಾರ್ಯವಾಹಕನಾಯಿತ್ ಸೇವೆ ಮಾಡಿತ್. ಬೊಳ್ಳುಮಾಡು ವ್ಯವಸಾಯ ಸೇವಾ ಸಹಕಾರ ಸಂಘದ ನಿರ್ದೇಶಕನಾಯಿತ್ 15 ಕಾಲ ಸೇವೆ, ಇಕ್ಕ



ಕುಂಜಲಗೇರಿ ದೇವಸ್ಥಾನ ಯೂನಿಯನ್ ಸಂಘತ್ ನಿರ್ದೇಶಕನಾಯಿತೂ, ಸೇವೆ ಮಾಡಿಯಂಡ್ ಉಂಡ್. ಕೊಡವ ಜಾನಪದ ಕಲೆನ ಬೊಳತಿಯಂಡುಳ್ಳ ಪ್ರತಿಭಾವಂತ ಕಲಾವಿದಂಗಕ್ ಕೊಡವ ಸಾಹಿತ್ಯ ಅಕಾಡೆಮಿ ಪ್ರಶಸ್ತಿ ಕೊಟ್ಟೆ.



ಶ್ರೀ ಕುಡಿಯರ ತಮ್ಮಯ್ಯ

ಯವಕಪಾಡಿ ಗ್ರಾಮತ್ ಪುಟ್ಟಿ ಬೊಳಂದ ಇವು ಕುಡಿಯ ಜನಾಂಗತ್ ಪ್ರತಿನಿಧಿಯಾಯಿತ್ ಕರ್ನಾಟಕ ಕೊಡವ ಸಾಹಿತ್ಯ ಅಕಾಡೆಮಿರ ಸದಸ್ಯಂಗಲಾಯಿತ್ ಸೇವೆ ಮಾಡಿಯಂಡ್ ಉಂಡ್. ಇವು ವೀರಾಜಪೇಟೆ ತೇನ್ ಸಹಕಾರ ಸಂಘತ್ ನಿರ್ದೇಶಕ, ಭಾಗಮಂಡಲ ಗಿರಿಜನ ಅಭಿವೃದ್ಧಿ ಸಂಘತ್ ಮಾಜಿ ನಿರ್ದೇಶಕ, ಕುಡಿಯ ಸಮಾಜತ್ ಸದಸ್ಯ, ನಲ್ಲೋರ್ ಬಾಳೋ ಪಾಟ್ಕಾರ, ಕುಡಿಯ ಜನಾಂಗತ್ 'ಉರಟಿಕೊಟ್ಟ ಆಟ್'ನ ಉಳಿತಿ ಬೊಳತುವಕ್ ಪೇಚಾಡಿಯಂಡ್ ಉಂಡ್.

ಶ್ರೀಮತಿ ಬಡಕಡಮ್ಮಂಡ ಕಸ್ತೂರಿ ಗೋವಿಂದಮ್ಮಯ್ಯ

ಸರಕಾರಿ ಶಿಕ್ಷಣ ಇಲಾಖೆಲ್ 39 ಕಾಲ ಸೇವೆ ಮಾಡ್ನ ಇವು ಬಡಕಡಮ್ಮಂಡ ಯಂ. ಗೋವಿಂದಮ್ಮಯ್ಯ ಅಯಿಂಗಡ ಪೊಣ್ಣ್. ಕನ್ನಡ ಸ್ನಾತಕೋತ್ತರ ಪದವಿ ಪಡಂದ ಇವು ಉಪನ್ಯಾಸಕಿಯಾಯಿತ್ ನಿವೃತ್ತಿ ಆಯಿತ್. ಕೊಡವ ಸಾಹಿತ್ಯ ಕ್ಷೇತ್ರತ್ ಕತೆ, ಕವನ, ಚರ್ಚೆ, ಕವಿಗೋಷ್ಠಿಲ್ ಭಾಗವಹಿಸುವ ಇನ್ನತ ಅಭ್ಯಾಸ ಬೆಚ್ಚಂಡ್, ಸೇವೆ ಮಾಡಿಯಂಡುಳ್ಳ ಸಾಹಿತಿ. ಆಕಾಶವಾಣಿ, ದೂರದರ್ಶನತ್ ಕಾರ್ಯಕ್ರಮ ಕೊಡ್ತಿತ್. ಇಯಂಗಡ ಈ ಸೇವೆನ ಗುರತ್ ಚಿಟ್ಟಿತ್ 'ಕೊಡಗಿನ ಗೌರಮ್ಮ ಕತೆಗಾರ್ತಿ' ದತ್ತಿನಿಧಿ ಇನಾಂ, ಕೊಡವ ಸಾಹಿತ್ಯ ಅಕಾಡೆಮಿರ ಪ್ರೋತ್ಸಾಹ ಪ್ರಶಸ್ತಿ ಕೊಟ್ಟೆ. ಇವು ಕನ್ನಡ ಸಾಹಿತ್ಯ ಪರಿಷತ್ ಸದಸ್ಯ. ಕೊಡಗ್ ಜಿಲ್ಲೆರ ಮಹಿಳಾ ಒಕ್ಕೂಟತ್ ಅಧ್ಯಕ್ಷಂಗಲಾಯಿತೂ, ಸೇವೆ ಮಾಡಿಯಂಡುಂಡ್.



ಶ್ರೀಮತಿ ಚೇಂದಂಡ ಸುಮಿ ಸುಬ್ಬಯ್ಯ

ಬಲ್ಲಚಂಡ ಅಚ್ಚಯ್ಯ ಪಿಂಚ ಗೌರಿ ಅಚ್ಚಯ್ಯ ದಂಪತಿಯಡ 4ನೇ ಮೋವಳಾನ ಇವು ಚೇಂದಂಡ ಸುಬ್ಬಯ್ಯ ಅಯಿಂಗಳ ಮಂಗಲಾಯಿತ್. ವಿದ್ಯಾರ್ಥಿ ಜೀವನತ್ಲೇ ಕ್ರೀಡೆ, ಭಾಷಣ ಮಾಡ್ವೋ, ಪಾಟ್ ಪಾಡ್ವೋ, ಸಾಂಸ್ಕೃತಿಕ ಕಾರ್ಯಕ್ರಮತ್ ಕೂಡಿಯಾಡ್ವೋ ಇನ್ನನೆ ಬೋರೆ ಬೋರೆ ಚಟುವಟಿಕೆಲ್ ಕೂಡಿಯಾಡಿಯಂಡಿಂಜ ಅನುಭವ. ಇಕ್ಕ ಬೋರೆ ಬೋರೆ ಸಂಘ ಸಂಸ್ಥೆಲ್ ಸಕ್ರಿಯವಾಯಿತ್ ಸಮಾಜ ಸೇವೆ ಮಾಡಿಯಂಡ್ ಉಂಡ್. ಮಹಿಳಾ ಉದ್ಯಮಿಯಾನ ಇಯಂಗಕ್ ಇವು ಮಾಡ್ನ ಸಮಾಜ ಸೇವೆನ ಮೆಚ್ಚಿತ್ ರಾಜ್ಯ ಪ್ರಶಸ್ತಿ ಕೊಟ್ಟೆ. ಕನ್ನಡ ಪಿಂಚ ಕೊಡವ ಭಾಷೆಲ್ ಭಜನೆ, ಪ್ರಾರ್ಥನೆ, ಕೀರ್ತನೆ, ಜನಪದ ಪಾಟ್ ಪಾಡ್ವಾಂಡ ಮೂಲಕ ಎಲ್ಲಾರ್ಕೂ ಪರಿಚಿತಂಗಲಾಯಿತ್. ಗೋಣಿಕೊಪ್ಪ ಕೊಡವ ಸಮಾಜ, ಪಿಂಚ ಪುಳಿ ಬೊಳೆಕಾರಡ ಸಂಘತ್ ನಿರ್ದೇಶಕಿಯಾಯಿತ್ ಸೇವೆ.



ಶ್ರೀ ಮೇಲತಂಡ ಎ. ರಮೇಶ್

ಹೈಸೊಡ್ಲೂರ್ ಅಪ್ಪಚ್ಚ-ಬೊಳ್ಳವ್ವ ದಂಪತಿಯಡ ಮೋಂವ. ಶ್ರೀಮಂಗಲತ್ ಶಿಕ್ಷಣ. ಮೇಲತಂಡ ರಮೇಶ್ ಐರಿ ಜನಾಂಗತ್ ಪ್ರತಿನಿಧಿ. ಕೊಡವ ಸಂಸ್ಕೃತಿನ ಪೋತುವಕ್ ಜನಾಂಗಕಾರಡ ಮಕ್ಕಕ್ ಬೊಳಕಾಟ್, ಉಮ್ಮತ್ತಾಟ್ ಪಡ್ಪುಚಿಡುವ ಆಸಕ್ತಿ ಬೆಚ್ಚಂಡ್ ಸೇವೆ ಮಾಡಿಯಂಡುಳ್ಳ ಬಾಲೆಕಾರ. ಐರಿ ಸಮಾಜತ್ ನಿರ್ದೇಶಕನಾಯಿತ್ ಸೇವೆ. ನಲ್ಲ ಕೃಷಿಕನಾಯಿತ್ ಜನಾಂಗತ್ ಒತ್ತೋರ್ಮೆಕ್ ಮೋರಾಟ.





ಶ್ರೀಮತಿ ನೆರೆಯಂಡಮ್ಮಂಡ ಉಮಾ ಪ್ರಭು

ನೆರೆಯಂಡಮ್ಮಂಡ ಉಮಾ ಪ್ರಭು ನಾಪೋಕ್ಲರ ಬೇತು ಗ್ರಾಮಕಾರ್ತಿ. ಪಾಡಿಯಮ್ಮಂಡ ಮುತ್ತಮ್ಮಯ್ಯ ಚೋಂದಮ್ಮ ದಂಪತಿಯಡ ಮೋವ. ಮಡಿಕೇರಿ ತಾಲೂಕ್ ಪಂಚಾಯಿತಿರ ಸದಸ್ಯಯಾಯಿತ್ ಸೇವೆ. ನಾಪೋಕ್ಲ ಕನ್ನಡ ಸಾಹಿತ್ಯ ಸಮ್ಮೇಳನತರ ಕಾರ್ಯದರ್ಶಿಯಾಯಿತ್ ಸಾಮಾಜಿಕ ಪಿಂಞ ರಾಜಕೀಯ ಕ್ಷೇತ್ರತ್ ಫಲತರ ಸೇವೆ. ಪ್ರಭು ಇಯಂಗಡ ವಡಿಯ ನಲ್ಲ ಜಾನಪದ ಪಡಿಪುಕಾರ. ನಾಪೋಕ್ಲ ಮಹಿಳಾ ಸಮಾಹ ಕೂಡ್‌ನನಕೆ ಸುಮಾರೆಲ್ಲಾ ಸಂಘ ಸಂಸ್ಥೆಲ್ ನಿರ್ದೇಶಕಿಯಾಯಿತ್ ಸೇವೆ.

ಶ್ರೀ ನಾಪಂಡ ರವಿ ಕಾಳಪ್ಪ

ಇವು ಮಕ್ಕಂದೂರ್ ಕೊಡವ ಸಮಾಜತರ ಅಧ್ಯಕ್ಷ, ಮಡಿಕೇರಿ ತಾಲೂಕ್ ಪಂಚಾಯಿತಿ ಅಧ್ಯಕ್ಷನಾಯಿತ್, ಅಕ್ರಮ ಸಕ್ರಮ ಸಮಿತಿರ ಅಧ್ಯಕ್ಷನಾಯಿತೂ ಕರ್ತವ್ಯ ನಿರ್ವಹಣೆ. ಅಲ್ಲತೆ ಬೋರೆ ಬೋರೆ ಸಂಘ ಸಂಸ್ಥೆಲ್ ನಿರ್ದೇಶಕನಾಯಿತೂ, ಸೇವೆ ಮಾಡಿಯಂಡ್ ಉಂಡ್. ಕೊಡವ ಸಂಸ್ಕೃತಿ ಪಿಂಞ ಜನಪದತರ ಬೊಳಚೆಕ್ ಪೋರಾಡಿಯಂಡುಳ್ಳ ಬಾಲೆಕಾರ. ಕೊಡವ ಸಮಾಜ ಒಕ್ಕೂಟತರ ಸದಸ್ಯನಾಯಿತೂ ಸೇವೆ ಮಾಡಿಯಂಡುಂಡ್.



ಶ್ರೀ ಮಂಡೇಪಂಡ ಬೋಸ್ ಮೊಣ್ಣಪ್ಪ

ಸಿದ್ದಾಪುರ ಮಂಡೇಪಂಡ ಬೆಳ್ಳಪ್ಪ ಮುತ್ತಮ್ಮ ದಂಪತಿಯಡ ಮೋಂವ ಬೋಸ್ ಮೊಣ್ಣಪ್ಪ ಬಿ. ಎ. ಪದವೀಧರ. ಅರಣ್ಯ ಇಲಾಖೆಲ್ ಅರಣ್ಯಾಧಿಕಾರಿಯಾಯಿತ್ ನಿವೃತ್ತಿ. ಕೊಡವ ಸಂಸ್ಕೃತಿರ ಮೀದ ಅಭಿಮಾನ ಉಳ್ಳ ಇಯಂಗ ಕುಶಾಲನಗರ ಕೊಡವ ಸಮಾಜತರ ನಿರ್ದೇಶಕನಾಯಿತ್. ಬೋರೆ ಬೋರೆ ಸಂಘ ಸಂಸ್ಥೆಲ್ ಸಕ್ರಿಯವಾಯಿತ್ ಸೇವೆ. ಅರಣ್ಯ ಇಲಾಖೆಲ್ ದಕ್ಷ ಪಿಂಞ ನಿಷ್ಠರ ಕೆಲಸತ್ ಪದ. ಮಡಿಕೇರಿ ಅರಣ್ಯ ಸಂಚಾರಿ ದಳತೂ ಸೇವೆ ಮಾಡಿನ ಇವು ಕೊಡವ ಸಮುದಾಯ ಸಂಘಟನೆಲ್ ಆಸಕ್ತಿ ಬೆಚ್ಚಂಡ್ ಇಂದಿಕೂ ಕೆಲಸ ಮಾಡಿಯಂಡುಳ್ಳ ಉತ್ಸಾಹಿ.

ಶ್ರೀ ಮೋಟನಾಳಿರ ಸನ್ನಿ ಕಾರ್ಯಪ್ಪ.

ಶಿರಂಗಳ್ಳಿರ ಕಾರ್ಯಪ್ಪ-ನೀಲಮ್ಮ ದಂಪತಿಯಡ ಮೋಂವ. ಮಡಿಕೇರಿ ಪದವಿ ಶಿಕ್ಷಣ. ಸ್ವಾಮಿ ವಿವೇಕಾನಂದ ಯುವಕ ಸಂಘತರ ಅಧ್ಯಕ್ಷ. ಸೋಮವಾರಪೇಟೆ ಕೊಡವ ಸಮಾಜತರ ನಿರ್ದೇಶಕನಾಯಿತ್ ಸೇವೆ. ಸುಮಾರೆಲ್ಲಾ ಸಾಮಾಜಿಕ ಪಿಂಞ ರಾಜಕೀಯ ಕ್ಷೇತ್ರತ್ ಸಕ್ರಿಯವಾಯಿತ್ ಸೇವೆ ಮಾಡಿಯಂಡುಳ್ಳ ಉತ್ಸಾಹಿ ಬಾಲೆಕಾರ. ಕೊಡವ ಸಂಸ್ಕೃತಿನ ಪೋತುವಕ್ಕಾಯಿತ್ ನಿರಂತರ ಪೋರಾಟ ಮಾಡಿಯಂಡ್ ಬಂದ ಕಾರ್ಯಕರ್ತ. ಶಿರಂಗಳ್ಳಿ ಊರ್‌ರ ತಕ್ಕನಾಯಿತ್ ಸಂಸ್ಕೃತಿ ಸೇವೆ.



ಕೊಡವ ಸಾಹಿತ್ಯ ಅಕಾಡೆಮಿರ ಸಿಬ್ಬಂದಿಯ

ಮೂರ್ನಾಡ್ ನಿವಾಸಿ ಶ್ರೀ ಟಿ. ಜಿ. ಎನ್. ರವಿ, ಕಚೇರಿ ಅಧೀಕ್ಷಂಗಳಾಯಿತ್ ಕರ್ತವ್ಯ ಮಾಡಿಯಂಡ್ ಉಂಡ್.
 ಮಡಿಕೇರಿ ನಿವಾಸಿ ಶ್ರೀಮತಿ ಅಕ್ಕಪಂಡ ಕುಸುಮ, ಕಚೇರಿ ಸಹಾಯಕಿಯಾಯಿತ್ ಕರ್ತವ್ಯ ಮಾಡಿಯಂಡ್ ಉಂಡ್.
 ಮಡಿಕೇರಿ ನಿವಾಸಿ ಕು. ಐ. ಆರ್ ಕಾವ್ಯ, ಕಂಪ್ಯೂಟರ್ ಆಪರೇಟರ್ ಆಯಿತ್ ಕರ್ತವ್ಯ ಮಾಡಿಯಂಡ್ ಉಂಡ್.
 ಮಡಿಕೇರಿ ನಿವಾಸಿ ಶ್ರೀಮತಿ ಸಂಗೀತ ಡಿ ಗ್ರೂಪ್ ಸಿಬ್ಬಂದಿಯಾಯಿತ್ ಕರ್ತವ್ಯ ಮಾಡಿಯಂಡ್ ಉಂಡ್.

ಪುದಿಯ ಚಿಂತನೆರಡಿಲ್ ಅಕಾಡೆಮಿ

ಕೊಡವ ಅಕಾಡೆಮಿರ ಕೆಲಸ ಕಾರ್ಬಾರ್ :

ವಿಶಿಷ್ಟ, ಪಟ್ಟ, ಕೊಡವ ಭಾಷೆ ಸಾಹಿತ್ಯ -ಸಂಸ್ಕೃತಿ ಕೆಲಸ ಉಳ್ಳಚಿಟ್ಟಿಂಡ್ ಬೊಳ್ತುವ ಉದ್ದೇಶತ್ ಕರ್ನಾಟಕ ರಾಜ್ಯ ಸರ್ಕಾರ 4-6-1994ಲ್ "ಕರ್ನಾಟಕ ಕೊಡವ ಸಾಹಿತ್ಯ ಅಕಾಡೆಮಿನ" ಸ್ಥಾಪನೆ ಮಾಡ್ಚಿ. ಅಂದ್‌ಂಬ ಇಲ್ಲಿಕತ್ತನೆಯೂ ಅಕಾಡೆಮಿ ಕೊಡವ ಭಾಷೆ ಸಾಹಿತ್ಯತ್‌ರ ಬೊಳ್ಚೆಕ್ ನಯಿಚಂಡ್ ಬಂದಿತ್.

ಸರ್ಕಾರ ಪುದಿಯ ಆಡಳಿತ ಮಂಡಳಿನ ನೇಮಕ ಮಾಡ್‌ನ ಪಿಂಞ ಅಕಾಡೆಮಿರ ಪುದಿಯ ಕಾರ್ಯಯೋಜನೆನ ಸುರು ಮಾಡುವಾಂಗ್ ಮುಪ್ಪಡೆ ಅರ್‌ಂಬಯಿಂಗಡ ಬೇರ ಅರಿವ ಸಭೆನ ಕಾಕಿಕೂಟಿತಿಂಬತ್. ಈ ಓರ್ ವಿಶೇಷ ಪಟ್ಟಿ ಸಭೆ 06-04-2012ಲ್ ಕ.ಕೊ.ಸಾ. ಅಕಾಡೆಮಿರ ಕಚೇರಿರ ಸಬಾಬಾಡಲ್ ಅಧ್ಯಕ್ಷ ಅಡ್ಡಂಡ ಕಾರ್ಯಪ್ಪ ಅಯಿಂಗಡ ಕೊರವುಕಾರಿಕಲ್ ನಡ್‌ಂದತ್. ಸಭೆಲ್ ಕೊಡವ ತಕ್ಕ್‌ರ ಬೊಳ್ಚೆಕ್ ಏರ ನಯಿಚ ಸಾಹಿತಿಯ, ಎಳ್ತಕಾರ, ವಿಮರ್ಶಕಂಗ ಕಲಾವಿದಂಗ, ಪತ್ರಕರ್ತಂಗ ಜನಪ್ರತಿನಿಧಿಯ ಅಕಾಡೆಮಿ ಮಿಂಞಕ್ ಎಡ್‌ತ ಬರಂಡಿಯ ಕಾರ್ಬಾರ್‌ಕ್ ಸಲಹೆ ಎಣ್ಣೆಚಿ. ಸಾಹಿತ್ಯ ಬೊಳಿಯಂಡುವೇಂಗಿ ಭಾಷೆ ಬೊಳಿಯೊಂಡು. ಬರೀ ಸಾಹಿತ್ಯ ಬೊಳ್‌ಂದತೇಂಗಿಯೂ ಪೋರ. ಸಂಗೀತ, ನಾಟಕ, ಆಟಪಾಟ್, ಪದ್ಧತಿ ಪರಂಪರೆ ಬೊಳಿಯೊಂಡು. ಕೊಡವಾಮೆನ ಉಳ್ತಾವದೂ ಬೊಳ್ತಾವದೂ ನಂಗಡ ಕೈಲೇ ಉಳ್ಳೊ. ನಂಗಡ ಸಂಸ್ಕೃತಿರ ಮೇಲೆ ನಂಗಕೇ ಅಭಿಮಾನ ಬೊಂಡೊಂಡ್ ಸಭೆಲ್ ಕೂಡಿಯಾಡ್‌ನ ಎಲ್ಲಾರೂ ಸಲಹೆ ತಾತ್. ಈಂಡ ಪೋಲೆ ಅಕಾಡೆಮಿ ಕ್ರಿಯಾ ಯೋಜನೆ ರೂಪ್‌ಚಿಟ್ಟಿತ್.

ಕೊಡವ ತಕ್ಕ್ ಪರೆರಿ ಪಡ್‌ಪ್‌ಚಿಡಿ

ಅಕಾಡೆಮಿರ ಕಾರ್ಬಾರ್‌ಕ್ ಮೊಳಿ ಇಡುವ ಉದ್ದೇಶತ್ ಆದ್ಯ ಅಯಿತ್ "ಕೊಡವ ಜಾಗೃತಿ" ಕಾರ್ಬಾರ್ ಎಣ್ಣುವ ಒತ್ತಾಸೆರ ಪೋಲೆ ಏಪ್ರಿಲ್ 28ನೇ ತಾರೀಕ್‌ರಂದ್ ಚೆನಿಯಾಚೆ ಪೊಲಾಕ ಮಡಿಕೇರಿ ಕೊಡವ ಸಮಾಜತ್‌ರ ಕೋಲ್‌ಮಂದ್‌ಲ್ ಈ ಕಾಲತ್‌ರ ಕಾರ್ಯಕ್ರಮಕ್ ರಾಜ್ಯ ವಿಧಾನ ಸಭಾಧ್ಯಕ್ಷ ಕೆ.ಜಿ. ಬೋಪಯ್ಯ ಚಾಲನೆ ಕೊಡ್‌ತತ್. ದುಡಿಕೊಟ್, ಪಾಡ್‌ವಾಂಡ ಮೂಲಕ ಕಾರ್ಯಕ್ರಮಕ್ ಮೊಳಿ ಇಟ್ಟಿ ವಿಧಾನ ಸಭಾಧ್ಯಕ್ಷ ಬೋಪಯ್ಯ ಅಯಿಂಗ ತಕ್ಕ್ ಪೆರವಂಜಿ ಏದೇ ಸಂಸ್ಕೃತಿ, ಪದ್ಧತಿ ಪರಂಪರೆ, ಉಡ್‌ಪ್‌ತೊಡ್‌ಪು ಉಳಿಯೊಂಡೊಂಡ್ ಆಚೇಂಗಿ ಭಾಷೆ ಮುಖ್ಯ. ಅದ್‌ನ ಬೊಳ್‌ತಾವಕ್ ಸರ್ಕಾರ ಅಕಾಡೆಮಿರ ಮೂಲಕ ಬೊಂಡಿಯಿಚ್ಚೆಕ್ ಅನುದಾನತ್‌ನ ಸಮರ್ಪಕ ಅಯಿತ್ ಬಳಕೆ ಆಂಡೊಂಡ್ ಎಣ್ಣೆಚಿ. ಇದೇ ನೇರತ್ ಅಕಾಡೆಮಿರ ಮುಂಚೊಲ್ಲ್ ಎಣ್ಣುವ ಪುಸ್ತಕತ್‌ರ ಬುಡುಗಡೆ. ಕೇಳಿಪಟ್ಟಿ ಕೊಡವ ಸಾಹಿತಿಯಡ, ಮಹನೀಯಂಗಡ ಪೋಟೋ ಸಂಗ್ರಹತ್‌ನ ಜಿ.ಪಂ. ಆಧ್ಯಕ್ಷ ಶಾಂತೆಯಂಡ ರವಿ ಕುಶಾಲಪ್ಪ ಅನಾವರಣ ಮಾಡ್‌ಚಿ. ಮಡಿಕೇರಿ ಕೊಡವ ಸಮಾಜತ್‌ರ ಅಧ್ಯಕ್ಷ ಮಾತಂಡ ಸರೇಶ ಚಂಗಪ್ಪ ಕಾರ್ಯಕ್ರಮತ್‌ಲ್ ಕೂಡಿಯಾಡಿತಿಂಬತ್. ಇದೇ ನೇರತ್ ಕವಿ ಪಂಚೆ ಮಂಗೇಶರಾಯ ಎಳ್‌ದ್‌ನ ಎಲ್ಲಿ ಭೂರಮೆ... ಎಣ್ಣುವ ಕನ್ನಡ ಪಾಟ್‌ನ ಕೊಡವ ತಕ್ಕ್‌ಕ್ ತರ್ಬುಮೆ ಮಾಡುವಂಜಿ ಇಂಞ ಮಿಂಞಕ್ ಅಕಾಡೆಮಿರ ನಾಡ್‌ಪಾಟ್ ಎಣ್ಣೆಯಂಡ್ ಪಾಡುವಕ್ ತೀರ್ಮಾನ ಮಾಡ್‌ಚಿ. ಕಾರ್ಯಕ್ರಮತ್‌ರ ಕೊರವುಕಾರಿಕೆನ ಅಕಾಡೆಮಿರ ಅಧ್ಯಕ್ಷ ಅಡ್ಡಂಡ ಸಿ ಕಾರ್ಯಪ್ಪ ವಹಿಸಿತಿಂಬತ್.

ಅರಿಂಜಯಿಂಡ ಆರ್‌ವಾಡ್‌ಲ್ ಆರಬೇರ

ಅಕಾಡೆಮಿರ ದಂಡನೇ ಕಾರ್ಯಕ್ರಮ ಬಲಂಬೇರಿ ಗ್ರಾಮತ್‌ರ ಪಾಲಂದಿರ ಮುಂದ್‌ಮನೆಲ್ 2012ನೇ ಮೇ ತಿಂಗತ್‌ರ 11ನೇ ತಾರೀಕ್‌ರಂದ್ ನಡ್‌ಂದತ್. ದೇಶತ್‌ರ ಬೋರೆ ಬೋರೆ ಭಾಗತ್ ಕೊಡವ ಜಾನಪದತ್‌ನ ಪಬ್ಲಿಚಿಟ್ಟಿ ಪೆರಿಯ ಜಾನಪದ.

ತಜ್ಞ 92 ಬಯತ್‌ರ ಪಾಲಂದಿರ ದೇವಯ್ಯ ಅಯಿಂಗಡ ಕೂಡ ತಕ್ಕ್‌ಬಾಕ್ ಪರವಂಜಿ ಬೆಂದುಮಯಾರ್ದಿ ಕೂಡ್‌ಪನ್ನತ ನಲ್ಲೋರ್ ಕಾರ್ಬಾರ್‌ನ ಅಕಾಡೆಮಿ ಮಾಡ್‌ಚಿ. ಕೂಡವ ಚಾನಪದ ಕ್ಷೇತ್ರತ್‌ರ ಬಲ್ಯ ಅಸ್ತಿ ಅನ ಬೊಳಕಾಟ್, ಕೋಲಾಟ್, ಬಾಳೋಪಾಟ್ ಇನ್ನತ ಫಲತರತ್‌ರ ಆಟ್‌ಪಾಟ್‌ನ ಅರಿಂಜಿತುಳ್ಳ ದೇವಯ್ಯ ಅಯಿಂಗಡ ಮನೆಕ್ ಪೋಪಂಜಿ ಅಯಿಂಗಡ ಅನುಭವತ್‌ರ ತಕ್ಕ್‌ನ ಅಲ್ಲಿ ಕೂಡಿಯಾಡ್‌ನ ಎಲ್ಲಾ ಖಿನಪಟ್ಟಿ ಬೆಂದುವಳೂ, ನಾಡ್‌ರ ಮಾಜನಳೂ ಕೇಟಿತ್ ಅರಿಯುವನ್ನಕ ಆಚಿ. ಇದ್‌ಂಡ ಕೂಟ್‌ಕ್ ಅಂದ್ ಜವಾಹರಲಾಲ್ ನೆಹರೂ ಪ್ರಧಾನಿ ಆಯಿತಿಪ್ಪಕ ಅಯಿಂಗಕ್ ಕೂಡವ ಪೇಟಿ ಇಡ್‌ಚಿಟ್ಟಿತ್ ರಾಷ್ಟ್ರಪತಿ ಭವನತ್ ಬೊಳಕಾಟ್ ಆಡ್‌ನ ಬೀರ್ಯ ದೇವಯ್ಯ ಕೂಟ್‌ಕಾರದದ್, ಇನ್ನತ ಓರ್ ಚಾನಪದ ತಜ್ಞಂಗ್ ಕರ್ನಾಟಕ ಸರ್ಕಾರ ರಾಜ್ಯೋತ್ಸವ ಪ್ರಶಸ್ತಿ ಕೂಡ್‌ಪನೆಕ ಆಂಡೂಂದ್ ಕಾರ್ಯಕ್ರಮತ್‌ರ ಕೂರವುಕಾರಿಕನ ವಹಿಸಿಂಜ ಅಡ್ಡಂಡ ಕಾರ್ಯಪ್ಪ ಅಯಿಂಗ ಓರಾತ ಮಾಡ್‌ಚಿ. ಈ ಓರಾತ ಪೋಲೆ ದೇವಯ್ಯಜ್ಜಂಗ್ ಕರ್ನಾಟಕ ರಾಜ್ಯೋತ್ಸವ ಪ್ರಶಸ್ತಿನ ಸರಕಾರ ಕೂಡ್‌ತಿತ್ ಗೌರವಿಚಿಟ್ಟಿತ್.

ಕೂಡವ ಸಂಸ್ಕೃತಿರ ಬೇರ್ ಐನ್‌ಮನೆ

ಕೂಡವದ ಐನ್‌ಮನೆಕ್ ತಾಂಡದೇ ಆನ ವಿಶಿಷ್ಟ ಸ್ಥಾನಮಾನ ಉಂಡ್. ಸುಮಾರ್ 300 ಕಾಲಕ್ ಬಯ್ಯ ಕಟ್ಟಿತುಳ್ಳ ನಂಗಡ ಐನ್‌ಮನೆ ಕೂಡವ ಸಂಸ್ಕೃತಿನ ಪೋತಿಯಂಡ್ ಉಂಡ್. ನಂಗಡ ಪರಿಯಯಿಂಗ ಬಲ್ಯ ಪಣಕಾರಂಗ ಅಯಿತಿಲ್ಲತ ಪೋಚೇಂಗಿಯೂ ಸಂಸ್ಕೃತಿನ ಬೊಳತಿಯಂಡ್ ಬಂದಿತಿಂಜತ್. ಆಚೇಂಗಿ ಇಕ್ಕ ಪಣ ಇಂಜತೇಂಗಿಯೂ ಸಂಸ್ಕೃತಿರ ಬೊಳಚಿ ಕಮ್ಮಿ ಆಯಂಡ್ ಉಂಡ್. ಈ ನ್ಹಾಲ್ ಕರ್ನಾಟಕ ಕೂಡವ ಸಾಹಿತ್ಯ ಅಕಾಡೆಮಿಕಾರ ತಾಂಡ ಅಂಜನೇ ಕಾರ್ಯಕ್ರಮತ್‌ನ ಕುಂಜಿಲಗೇರಿ ಗ್ರಾಮತ್‌ರ ಚೊಟ್ಟೇರ ಐನ್‌ಮನೆಲ್ ನಡ್‌ತಚಿ. ಕಾರ್ಯಕ್ರಮತ್‌ನ ಉದ್ಘಾಟನೆ ಮಾಡ್‌ನ ಪರಿಯ ಸಾಹಿತಿ ಪಿಂಞ ಐನ್‌ಮನೆರ ಬಗ್ಗೆ ಸಂಶೋಧನೆ ನಡ್‌ತಿತುಳ್ಳ ಬೊವ್ವೇರಿಯಂಡ ನಂಜಮ್ಮ ಚಿಣ್ಣಪ್ಪ ತಕ್ಕ್ ಪರವಂಜಿ ಕೂಡಗ್‌ಲುಳ್ಳ ಐನ್‌ಮನೆಕ್ ಸಂಬಂಧಪಟ್ಟನೆಕ ಅಂಜಿಕಾಲ ಅಧ್ಯಯನ ಮಾಡಿತಾಯಿತ್. ಅಪಚ್ಚಕ್ ಬೆರಿಯ ಕೂಡಗ್‌ರ ಐನ್‌ಮನೆರ ವಿಷಯತ್ ಇಂಗ್ಲೀಷ್ ಭಾಷೆಲ್ ಪುಸ್ತಕತ್‌ನ ಕೂಂಡ ಬಪ್ಪ ಇರಾದೆ ಉಂಡ್. ವೆಬ್‌ಸೈಟ್‌ಲ್ 150 ಐನ್‌ಮನೆರ ವಿವರ ಉಂಡ್‌ಂದ್ ಎಣ್ಣುವ ಅರಿವಿಕ ತಾತ್.

ರಾಜ್ಯತ್‌ರ ಶಿಕ್ಷಣತ್‌ಲ್ ಕೂಡವ ಭಾಷೆನ ಮೂಂದನೇ ಭಾಷೆಯಾಯಿತ್ ಪಾಠ ಪುಸ್ತಕತ್‌ಲ್ ಕೂಟ್‌ವಕ್ ಸರ್ಕಾರತ್‌ರ ಕೂಡೆ ತಕ್ಕ್ ಬಾಕ್ ನಡ್‌ತಿತ್. ಸರಕಾರ ಈ ನ್ಹಾಲ್ ಅದೇಶ ಕೂಡ್‌ಕೂಂಡೂಂದ್ ಕಾರ್ಯಕ್ರಮತ್‌ರ ಕೂರವು ಕಾರಿಕನ ವಹಿಸಿಂಜ ಅಡ್ಡಂಡ ಕಾರ್ಯಪ್ಪ ಎಣ್ಣ್‌ಚಿ. "ಕೂಡವ ಸಂಸ್ಕೃತಿರ ಬೇರ್ ಐನ್‌ಮನೆ" ಅದಂಡ ವಿಷಯತ್ ಕಲ್ಯಾಟಂಡ ಚಿಣ್ಣಪ್ಪ ಮಂಡನೆ ಮಾಡ್‌ಚಿ. ಮುಖ್ಯ ಬೆಂದುವಾಯಿತ್ ಮಂಡಪಂಡ ಸುಜಾ ಕುಶಾಲಪ್ಪ, ಚೊಟ್ಟೇರ ಮೇದಪ್ಪ ಕೂಡಿಯಾಡಿತಿಂಜತ್. ಈಂಡ ಸಂಚಾಲಕನಾಯಿತ್ ಚರ್ಮಡ ಪೂವಯ್ಯ ಕಾರ್ಬಾರ್ ನೀಸ್‌ಚಿ.

ದೇವ ಬಾಳೋ ಮಾದೇವ ಕನ್ನಿ ಬಾಳೋ ಕಾವೇರಿ :

ಕೂಡವ ಸಾಹಿತ್ಯ ಸಂಸ್ಕೃತಿಕ್ ಒತ್ತನೆಕೆ ಸಂಗೀತ ಕೋವುಕ್ ಏರ ಪುರ್‌ಡ್ ಕೂಡ್‌ಪ ಉದ್ದೇಶತ್‌ಲ್ ಕ.ಕೂ.ಸಾ.ಅ. ದೇವನೆಲೆಲ್ ಕೂಡವ ಭಕ್ತಿ ಸಂಗೀತ ಎಣ್ಣ್‌ವ ಕಾರ್ಯಕ್ರಮ ನಡ್‌ತವಕ್ ತೀರ್ಮಾನ ಮಾಡ್‌ಚಿ. ಇದೇ ಪೋಲೆ ತಾಂಡ 4ನೇ ಮೊಟ್‌ರ "ದೇವ ಬಾಳೋ ಮಾದೇವ ಕನ್ನಿ ಬಾಳೋ ಕಾವೇರಿ" ಎಣ್ಣ್‌ವ ಕೂಡವ ಭಕ್ತಿ ಸಂಗೀತ ಕಾರ್ಯಕ್ರಮ 2012ನೇ ಜೂನ್ 29ನೇ ತಾರೀಕ್‌ರಂದ್ ಬೊಳ್ಳಾಚಿ ಮಡಿಕೇರಿರ ಓಂಕಾರೇಶ್ವರ ದೇವಸ್ಥಾನತ್‌ರ ಓಂಕಾರ ಸದನತ್‌ಲ್ ಅಡ್ಡಂಡ ಕಾರ್ಯಪ್ಪ ಅಯಿಂಗಡ ಕೂರವು ಕಾರಿಕಲ್ ನಡ್‌ಂದತ್. ಕಾರ್ಯಕ್ರಮಕ್ ಬೆಂಬಲವಾಯಿತ್ ಮಂಡಪಂಡ ಸುನಿಲ್ ಸುಬ್ರಮಣಿ, ಆಕಾಶವಾಣಿರ ಉದ್ಯೋಷಕಿ ಕೂಪದೀರ ಶಾರದ ನಂಜಪ್ಪ, ಓಂಕಾರೇಶ್ವರ ದೇವನೆಲೆರ ಅಧ್ಯಕ್ಷ ರಮೇಶ ಹೊಳ್ಳ ಕೂಡಿಯಾಡ್‌ಚಿ. ಪೆರಿಯ

ಧಾರ್ಮಿಕ ಚಿಂತಕಂಗಳಾನ ಚೌರೀರ ಅಪ್ಪಣ್ಣ ಕುತ್ಯಂಯೊಳಚ ಕತ್ಯ ಚಿಡುವಾಂಡ ಮೂಲಕ ಕಾರ್ಯಕ್ರಮ ಉದ್ಘಾಟನೆ ಮಾಡ್ಚಿ. ಮುಟ್ಟು ಗ್ರಾಮತ್ಯರ ಚಿಲ್ಲಜಮ್ಮನ ಮುತ್ತಮ್ಮಯ್ಯ ಕೂಟ್ಕಾರಡ ಬಾಳೋಪಾಟ್, ಜಿಲ್ಲೆರ ಕೇಳಿಪಟ್ಟ ಕಲಾವಿದಂಗಡ ಭಕ್ತಿ ಪಾಟ್ ಪಾಡುವ ಕಾರ್ಯಕ್ರಮವು ಇಂಜತ್. ಮುಜರಾಯಿ ಇಲಾಖೆಕ್ ಕೂಡ್ನ ತಲಕಾವೇರಿ, ಭಾಗಮಂಡಲ, ಪಾಡಿಇಗ್ಗುತಪ್ಪ ದೇವನೆಲೆ ಪಿಂಇ ಇಪ್ಪುರ ರಾಮೇಶ್ವರ ದೇವನೆಲೆಲ್ ಭಕ್ತಿ ಸಂಗೀತ ಕಾರ್ಯಕ್ರಮತ್ಯನ ನಡತ್ವವಕ್ ತೀರ್ಮಾನ ಮಾಡ್ತೇಂದ್ ಅಕಾಡೆಮಿರ ಅಧ್ಯಕ್ಷ ಅಡ್ಡಂಡ ಕಾರ್ಯಪ್ಪ ಅವು ಎಣ್ಣೆಚಿ. ಈ ಕಾರ್ಯಕ್ರಮ ಮಡಿಕೇರಿರ ಓಂಕಾರೇಶ್ವರ ದೇವಸ್ಥಾನ ಸಮಿತಿರ ನಳತ್ ನಡ್ಂದತ್. ಈಂಡ ಸಂಚಾಲಕಿಯಾಯಿತ್ ಚೇಂದಿರ ನಿರ್ಮಲಾ ಬೋಪಣ್ಣ ಕಾರ್ಬಾರ್ ನೀಸ್ಚಿ.

ನಂಗಡ ದೇವನೆಲೆ ನಂಗಡ ಸಂಸ್ಕೃತಿ

ನಂಗಡ ದೇವನೆಲೆಕೂ, ನಂಗಡ ಸಂಸ್ಕೃತಿಕೂ ಪೆರ್ತ್ ಬೆಂದುರ್ತ ಉಂಡ್. ಸಂಸ್ಕೃತಿರ ಮೂಲ ಬೇರ್ ಉಳ್ಳದೇ ದೇವನೆಲೆಲ್. ಈ ನಟ್ಲ್ ಕರ್ನಾಟಕ ಕೊಡವ ಸಾಹಿತ್ಯ ಅಕಾಡೆಮಿ 'ನಂಗಡ ದೇವನೆಲೆ-ನಂಗಡ ಸಂಸ್ಕೃತಿ' ಎಣ್ಣೆವ ಯೋಜನೆ ರೂಪ್ಚಿಟ್ಟಿತ್.

ಈ ಯೋಜನೆ ಪೋಲೆ ನಾಳಂಕೆ 27-07-2012 ನಾರಾಚೆ ಕೊಡಗರಹಳ್ಳಿರ ಬೈತೂರಪ್ಪ ಪೊವ್ವದಿ ದೇವನೆಲೆಲ್ ಕಾರ್ಯಕ್ರಮ ನಡ್ಂದತ್. ಕೊಡಗ್ ಉಸ್ತುವಾರಿ ಪಿಂಇ ಯುವಜನ ಕ್ರೀಡಾ ಮಂತ್ರಿ ಅಪ್ಪಚ್ಚು ರಂಜನ್ ಉದ್ಘಾಟನೆ ಮಾಡ್ನ ಈ ಕಾರ್ಯಕ್ರಮತ್ ತಕ್ಕ ಪರಂದಿತ್ ಕೊಡವ ಅಕಾಡೆಮಿ ಅರ್ಥಪೂರ್ಣ ಯೋಜನೆ ಇಟ್ಟಿತ್. ನಂಗಡ ದೇವಸ್ಥಾನ, ನಂಗಡ ಸಂಸ್ಕೃತಿನ ಕಾಪಾಡ್ವ ಕೇಂದ್ರ, ಈ ನಟ್ಲ್ ಈ ಕಾರ್ಯಕ್ರಮಕ್ ಬಲ್ಯ ಬೆಲೆ ಉಂಡೇಂದ್ ಎಣ್ಣೆಚಿ.

ಮುಖ್ಯ ಬೆಂದುವಾಯಿತ್ ಜಿಲ್ಲಾ ಪಂಚಾಯತ್ ಅಧ್ಯಕ್ಷ ಶಾಂತೆಯಂಡ ರವಿ ಕುಶಾಲಪ್ಪ, ಕೊಕ್ಕಲೆರ ಎನ್ ಪೂಣಚ್ಚ, ಕೂಡಿಯಾಡ್ಚಿ. 'ಕೊಡಗ್ ದೇವನೆಲೆಲ್ ಕೊಡವ ಸಂಸ್ಕೃತಿ' ವಿಷಯತ್ ಚಿಲ್ಲಜಮ್ಮನ ನಾಣಮ್ಮಯ್ಯ ಸೋಮೇಶ್ ಪಿಂಇ 'ದೇವನೆಲೆಲ್ ಕೊಡವ ಜಾನಪದ ಕಲೆ' ವಿಷಯತ್ ಚೇನಂಡ ಸುರೇಶ್ ತಕ್ಕ ಪರ್ಂದತ್. ಕಾರ್ಯಕ್ರಮತ್ ಅಧ್ಯಕ್ಷತೆನ ಅಡ್ಡಂಡ ಕಾರ್ಯಪ್ಪ ವಹಿಸಿತಿಂಜತ್. ಕಾರ್ಯಕ್ರಮತ್ ತಕ್ಕಂಗಳಾನ ಮೊಳ್ಳೆರ ಪೂಣಚ್ಚ, ಜಗ್ಗಾರಂಡ ಎಂ. ಕಾರ್ಯಪ್ಪ, ಲೆ.ಕರ್ನಲ್ ಅಯ್ಯುಡ ಗಣಪತಿ ಕೂಡಿಯಾಡಿತಿಂಜತ್. ಈ ಕಾರ್ಯಕ್ರಮತ್ ಸಂಚಾಲಕಂಗಳಾಯಿತ್ ಮಾಳೇಟಿರ ಅಭಿಮನ್ಯು ಕುಮಾರ್, ಮಂಡೇಪಂಡ ಬೋಸ್ ಮೊಣ್ಣಪ್ಪ ಕಾರ್ಬಾರ್ ನೀಸ್ಚಿ. ದೇವನೆಲೆಲ್ ಜನಪದ ಕಲೆರ ಪ್ರದರ್ಶನ ಮಾಡ್ಚಿಟ್ಟಿತ್.

ಕೊಡವ ಸಾಹಿತ್ಯ ಶಿಬಿರ

ಕೊಡವ ತಕ್ಕಲ್ ಸಾಹಿತ್ಯ ಸೃಷ್ಟಿ ಆಂಡು. ಕಾಲೇಜ್ ಮಕ್ಕಡಲ್ಲಿ ಪುರ್ಡ್ ಪುಟ್ಟಾಚಿಡುವ ಯೋಜನೆ 'ಕೊಡವ ಸಾಹಿತ್ಯ ಶಿಬಿರ'. ನಾಳಂಕೆ 28-07-2012 ಚೆನಿಯಾಚೆ ಫೀಲ್ಡ್ ಮಾರ್ಷಲ್ ಕಾರ್ಯಪ್ಪ ಕಾಲೇಜ್ ಮಡಿಕೇರಿಲ್ ದಂಡ್ ದಿನ ನಡ್ಂದ ಈ ಶಿಬಿರತ್ ನೂರ್ ಕಣಕ್ ಕಾಲೇಜ್ ಮಕ್ಕ ಕೂಡಿಯಾಡ್ಚಿ.

ಅಕಾಡೆಮಿರ ಅಧ್ಯಕ್ಷ ಅಡ್ಡಂಡ ಕಾರ್ಯಪ್ಪ ಇಯಂಗಡ ಅಧ್ಯಕ್ಷತೆಲ್ ನಡ್ಂದ ಈ ಶಿಬಿರತ್ ಮುಖ್ಯಬೆಂದುವಾಯಿತ್ ಬಾಲಸುಬ್ರಮಣ್ಯ ಕಂಜರ್ಪಣೆ, ಸುಬೇದಾರ್ ಬಿದ್ದಂಡ ನಾಣಿ ದೇವಯ್ಯ ಪಿಂಇ ಕಾಲೇಜ್ ಪಾಂಶುಪಾಲಂಗಳಾನ ಕೇಚಿಟ್ಟಿರ ಈರಪ್ಪ ಕೂಡಿಯಾಡ್ಚಿ.

ದಂಡ್ ದಿನ ನಾಟಕ ಸಾಹಿತ್ಯ, ಕಥಾ ಸಾಹಿತ್ಯ, ಕಾದಂಬರಿ ಪಿಂಇ ಚುಟುಕು ಸಾಹಿತ್ಯತ್ ರಚನೆ ಪಿಂಇ

ಶಿವಮೊಗ್ಗದ ಸಾಂಸ್ಕೃತಿಕ ಸಂವಹನ



ವಾರ್ಷಿಕ : 21-6-2012 ಚಾವಣಿ
 ಚಾರಿತ್ರಿಕ ವಿಸ್ತರಣೆ, ಕುರಿತು

ವಸ್ತು ಒಟ್ಟು ಸಾಹಿತ್ಯತರ ಪರಿಕಲ್ಪನೆರ ವಿಷಯತ್ ತಜ್ಞಂಗ ತಂಗಡ ಅಭಿಪ್ರಾಯ ವ್ಯಕ್ತ ಮಾಡ್ಚಿ. ಪೊನ್ನಂಪೇಟೆರ ಡಾ. ಪ್ರಭು, ಮಾದೇಟೆರ ಬೆಳ್ಳಪ್ಪ, ಶ್ರೀಧರ್ ಹೆಗ್ಗಡೆ, ನಯನ ಕಶ್ಯಪ್, ನಾಗೇಶ್ ಕಾಲೂರ್ ತಜ್ಞಂಗಲಾಯಿತ್ ಶಿಬಿರತರ ದಂಡ್ ದಿನ ಕೂಡಿಯಾಡ್ಚಿ. ಈ ಸಾಹಿತ್ಯ ಶಿಬಿರತ್ ಸಂಚಾಲಕಂಗಲಾಯಿತ್ ಶ್ರೀಮತಿ ಕಸ್ತೂರಿ ಗೋವಿಂದಮ್ಮಯ್ಯ ಪಿಂಞ ಬೊಟ್ಟೋಳಂಡ ಮಿಟ್ಟು ಪೂಣಚ್ಚ ಕಾರ್ಬಾರ್ ನೀಸ್ಚಿ.

ನಾಡ್‌ಮದ್ದೆಕಾರಡ ಸಮಾವೇಶ

ಕೊಡಗ್‌ರ ಸಂಸ್ಕೃತಿರ ಇಂಞೋರ್ ಮೊಟ್ಟ್ ನಂಗಡ ಮನೆ ಮನೆ ನಾಡ್‌ಮದ್ದೆ, ನಾಡ್‌ಮದ್ದೆಕಾರಳ ಗೌರವಿಚಿಡುವ ನ್ಹೆಲ್ 'ನಾಡ್ ಮದ್ದೆಕಾರಡ ಸಮಾವೇಶ' ಎಣ್ಣೆವ ಯೋಜನೆನ ಕರ್ನಾಟಕ ಕೊಡವ ಸಾಹಿತ್ಯ ಅಕಾಡೆಮಿ ರೂಪ್‌ಚಿಟ್ಟಿತ್.

ನಾಳಂಕೆ 3-08-2012 ಕಕ್ಕಡ 18 ಂಗ್ ಅರಮೇರಿ ಕಳಂಚೇರಿ ಮಠತ್ ಅಕಾಡೆಮಿ ಶ್ರೀ ಶಾಂತಮಲ್ಲಿಕಾರ್ಜುನ ಸ್ವಾಮಿ ಇಯಂಗಡ ಸಹಕಾರತ್ 'ನಾಡ್‌ಮದ್ದೆಕಾರಡ ಸಮಾವೇಶ' ನಡ್‌ತ್‌ಚಿ. ಈ ಸಮಾವೇಶತ್ ನೂರ್ ಕಣಕ್‌ಲ್ ನಾಡ್‌ಮದ್ದೆಕಾರ ಕೂಡಿಯಾಡ್ಚಿ. ರಾಜ್ಯ ವಿಧಾನಸಭೆರ ಅಧ್ಯಕ್ಷ ಕೆ.ಜಿ. ಬೋಪಯ್ಯ ಉದ್ಘಾಟನೆ ಮಾಡಿತ್, ನಾಡ್‌ಮದ್ದೆಕಾರಕ್ ಇಂದ್ ಬೆಲೆ ಇಲ್ಲೆ ಇಣ್ಣುವ ಅಭಿಪ್ರಾಯ ತಪ್ಪು. ಎಚ್ಚಕೋ ಜನಡ ಪ್ರಾಣ ಉಳಿಚಿಡುವ ಈ ಗ್ರಾಮ ಸಂಸ್ಕೃತಿರ ಪ್ರತೀಕವಾನ ನಾಡ್‌ಮದ್ದೆಕಾರಕ್ ನೆಲೆ ಬೆಲೆ ಕೆಟ್ಟಂಡೂಂದ್ ಎಣ್ಣೆಚಿ.

ಕಾರ್ಯಕ್ರಮತ್ ನಾಡ್‌ಮದ್ದೆಕಾರಲಾನ ಬಿದ್ದಂಡ ಪೊನ್ನಣ್ಣ, ನಾಯಡ ವಾಸು ನಂಜಪ್ಪ ಕೂಡಿಯಾಡ್ಚಿ. ನಾಡ್‌ಮದ್ದೆರ ತಜ್ಞಂಗಲಾನ ಕರವಟ್ಟಿರ ಬಿ. ಐಯ್ಯಣ್ಣ, ಅಲೋಪತಿ ವೈದ್ಯಂಗಲಾನ ಡಾ. ಎಸ್. ವಿ. ನರಸಿಂಹನ್ ನಾಡ್‌ಮದ್ದೆ ಪಿಂಞ ಅಲೋಪತಿ ಮದ್ದೆರ ವಿಶೇಷತೆರ ವಿಷಯತ್ ತಕ್ಕ ಪರ್‌ಂದತ್.

ಈ ಸಂದರ್ಭತ್ ಮದ್ದೆರ ಪ್ರದರ್ಶನ, ಮದ್ದೆ ಪುಟ್ಟ್ ಪೈಪೋಟಿ ಕೂಡ್‌ನನೆಕೆ ಫಲತರ ಜಾನಪದ ಕಾರ್ಯಕ್ರಮ ನಡ್‌ಂದತ್. ಕಳಂಚೇರಿ ಮಠತರ ಸ್ವಾಮೀಜಿ ಶಾಂತಮಲ್ಲಿಕಾರ್ಜುನ ಸ್ವಾಮಿ ಎಲ್ಲಾ ತರತರ ಸಹಕಾರ ತಂದ ಈ ಕಾರ್ಯಕ್ರಮ ಪೆರ್ತ್ ಯಶಸ್ವಿ ಆಯಿತ್. ನಾಡ್‌ಮದ್ದೆಕಾರಳ ನೆಪ್ಪುರ ಮೋದ ಕೊಡ್‌ತಿತ್ ಅಕಾಡೆಮಿ ಗೌರವಿಚಿಟ್ಟಿತ್.

ಚೇಂದಂಡ ಸುಮಿ ಸುಬ್ಬಯ್ಯ ಇಯಂಗಡ ಸಂಚಾಲಕತ್ವತ್ ಈ ಕಾರ್ಯಕ್ರಮ ನಡ್‌ಂದತ್.

ಕೊಡವ ಸಂಸ್ಕೃತಿ-ಬೊಳೆ ಸಂಸ್ಕೃತಿ

ಕೊಡಗ್‌ರ ಸಂಸ್ಕೃತಿಕೂ ನಂಗಡ ಬೊಳೆ ಸಂಸ್ಕೃತಿಕೂ ಪೆರ್ತ್ ಸಂಬಂಧ ಉಂಡ್. ಇದ್‌ಂಗೇ ಪೆರಿಯವು Culture & Agriculture' ಂದ್ ಎಣ್ಣೆವ. ಅದತೂ ಕೊಡವ ಸಂಸ್ಕೃತಿ ಎಣ್ಣೆಕ ಅದ್ ಒರ್ ತರತ್ ಕೃಷಿ ಸಂಸ್ಕೃತಿ. ಇದಂಡ ಅಧಾರತೂ ನಂಗಡ ಕೈಲ್‌ಪೋಳ್, ಚಂಗ್ರಾಂದಿ, ಪುತ್ತರಿ ನಮ್ಮೆಯೂ ಆಚರಣೆ ಆಯಂಡ್ ಉಳ್ಳ.

ಈ ನ್ಹೆಲ್ ಕರ್ನಾಟಕ ಕೊಡವ ಸಾಹಿತ್ಯ ಅಕಾಡೆಮಿ ' ಕೊಡವ ಸಂಸ್ಕೃತಿ ಪಿಂಞ ಬೊಳೆ ಸಂಸ್ಕೃತಿ' ಎಣ್ಣುವ ಯೋಜನೆ ರೂಪ್‌ಚಿಟ್ಟಿತ್ ನಾಳಂಕೆ 19-08-2012 ಬೊಳ್ಳಾಚಿ ಚೇಂದಂಡ ಜೆಮ್ಮಿ ಪೊನ್ನಪ್ಪ ಇಯಂಗಡ ಓಟ್ ಆಕತ್ (ವಾಲ್ನೂರ್) ಈ ಕಾರ್ಯಕ್ರಮ ನಡ್‌ತ್‌ಚಿ. ಅಡ್ಡಂಡ ಕಾರ್ಯಪ್ಪ ಇಯಂಗಡ ಅಧ್ಯಕ್ಷತೆಲ್ ನಡ್‌ಂದ ಈ ಕಾರ್ಯಕ್ರಮತ್ ರಾಜ್ಯ ವಿಧಾನ ಸಭೆರ ಅಧ್ಯಕ್ಷ ಕೆ.ಜಿ. ಬೋಪಯ್ಯ ಎಶ್‌ಕೆಟ್ಟಿತ್ ಉತ್ತಿತ್, ನಾಟಿ ನಟ್ಟಿತ್ ಉದ್ಘಾಟನೆ ಮಾಡ್‌ನ ಈ ಕಾರ್ಬಾರ್‌ಲ್ ಬೊಟ್ಟೋಳಂಡ ಮಿಟ್ಟು ಚಂಗಪ್ಪ, ಬಬ್ಬೀರ ಸರಸ್ವತಿ, ಮುಖ್ಯ ಬೆಂದುವಲಾಯಿತ್ ಕೂಡಿಯಾಡ್ಚಿ.

ಕೊಡವ ಸಂಸ್ಕೃತಿಲ್ ಕೃಷಿ ಎಣ್ಣುವ ವಿಚಾರತ್ ಪೂಮಾಲೆ ಪತ್ರಿಕೆರ ಸಂಪಾದಕ ಅಜ್ಜಿನಿಕಂಡ ಮಹೇಶ್ ನಾಚಯ್ಯ ವಿಷಯ ಮಂಡನೆ ಮಾಡ್‌ಚಿ. ಈ ಸಂದರ್ಭತ್ ' ಮಳೆ-ಬೊಳೆ' ಎಣ್ಣುವ ಕವನ ಸಂಕಲನ ಬುಡ್‌ಗಡೆ ಆಚಿ.



ಕರ್ನಾಟಕ ಆರೋಗ್ಯ ಸಂರಕ್ಷಣೆ ಆಯೋಗ

ಕರ್ನಾಟಕ ಕೊರವು ಸಾಹಿತ್ಯ ಅಕಾಡೆಮಿ
ಮಂಡಳಿ
ಅರಿವು ಬೆರಿಯ ಜಾನಪದ ತಜ್ಞ



ಜಾಲಂದಿರ ದೇವಯ್ಯ

92 ವಯಸ್ಸಿನ ಜಾಲಂದಿರ ದೇವಯ್ಯ, ಕೊಡವ ಜಾನಪದ ಕೈಚಳಾರ ಒಬ್ಬ ಪ್ರಧಾನಿ ಅನುತಿಪ್ಪಕ ಅಯಿಂಗ್ ಕೊಡವ ಪುಟ್ಟ ಅನ್ಯಾಚಾರ್ಯ ರಾಜ್ಯದ ಉತ್ತಮ ಜಿಲ್ಲಾಕಾರ್ಯ ಅರ್ಜಿ ದೀಯರ್ ದೇವಯ್ಯ ಕೊಡವರವರ ದೇವತಾರ ಜಾನಾ ಭಾಗತ ಕೊಡವ ಜಾನಪದ ಸಂಸ್ಥೆಯ ದೇವಯ್ಯ ಕೊಡವ ಜಾನಪದ - ಸಂಸ್ಥೆ ಅಮೂಲ್ಯವಾದ ವಜ್ರ

ಸಂಖ್ಯೆ : 11-09-2012-ಕೊಡವ



ಮಾದಪಂಡ ಕುಶಾಲಪ್ಪ, ಕೊಂಗೇರ ಅಪ್ಪಯ್ಯ, ಇನ್ನತವು ಕೂಡಿಯಾಡ್‌ನ ಈ ಕಾರ್ಯಕ್ರಮತ್ ನಾಟಿ ಓಟ್ ಕೂಡ್‌ನನೆಕೆ ಫಲತರ ಪೈಪೋಟಿ ನಡ್‌ಂದತ್. ಪೆರ್ತ್ ಅರ್ಥಪೂರ್ಣವಾಯಿತ್ ರಾಜ್ಯ ಮಟ್ಟತ್ ಬಲ್ಯ ಸುದ್ದಿಯಾನ ಈ ಕಾರ್ಯಕ್ರಮತ್ ಚೇಂದಂಡ ಜೆಮ್ಮಿ ಪೊನ್ನಪ್ಪ ದಂಪತಿಯ, ಮನೆಕಾರಡ ಬಲ್ಯ ಸಹಕಾರತ್ ಅಂದೋಡೆ ನಡ್‌ಂದತ್. ಈ ಕಾರ್ಯಕ್ರಮತ್‌ನ ಮಾಳೇಟಿರ ಅಭಿಮನ್ಯು ಕುಮಾರ್, ಮಂಡೇಪಂಡ ಬೋಸ್ ಮೊಣ್ಣಪ್ಪ, ಮೊಟನಾಳಿರ ಸನ್ನಿ ಕಾರ್ಯಪ್ಪ ಸಂಚಾಲಕತ್ವ ವಹಿಸಿಯಂಡ್ ನೀಸ್‌ಚಿ.

ದೇವನೆಲೆಲ್ ಕೊಡವ ಸಂಸ್ಕೃತಿ

ದೇವನೆಲೆಲ್ ಕೊಡವ ಸಂಸ್ಕೃತಿರ ದಂಡನೇ ಕಾರ್ಯಕ್ರಮವಾಯಿತ್ ನಾಳಂಕೆ 10-09-2012 ತಿಂಗಳಾಚೆ ಹುದಿಕೇಲಿ ಮಾದೇವಡ ತಿರಿಕೆಲ್ ಅರ್ಥಪೂರ್ಣವಾಯಿತ್ ನಡ್‌ಂದತ್. ಅಡ್ಡಂಡ ಕಾರ್ಯಪ್ಪ ಇಯಂಗಡ ಅಧ್ಯಕ್ಷತೆಲ್ ನಡ್‌ಂದ ಈ ದೇವನೆಲೆಲ್ ಕೊಡವ ಸಂಸ್ಕೃತಿ ಕಾರ್ಯಕ್ರಮತ್‌ನ ಅಖಿಲ ಕೊಡವ ಸಮಾಜತ್‌ರ ಅಧ್ಯಕ್ಷ ಮಾತಂಡ ಮೊಣ್ಣಪ್ಪ ಇಯಂಗ ಉದ್ಘಾಟನೆ ಮಾಡ್‌ಚಿ. ದೇವನೆಲೆಲ್ ಕೊಡವ ಸಂಸ್ಕೃತಿ ಎನ್ನನೆ ತಕ್ಕಾಮೆರ ರೂಪತ್ ನೆಲೆಪಡ್‌ಂದಿತ್. ವಿವರೋಡೆ ಪರ್‌ಂದ ಎಲ್ಲಾ ಬೆಂದುವ ಇದೋರ್ ಅರ್ಥಪೂರ್ಣ ಕಾರ್ಯಕ್ರಮಾಂದ್ ಎಣ್ಣೆಚಿ.

ಮುಖ್ಯ ಬೆಂದುವಳಾಯಿತ್ ಕೊಡಗ್ ಹೆಗ್ಗಡೆ ಸಮಾಜತ್‌ರ ಅಧ್ಯಕ್ಷ ಪಡಿಂಇಾರಂಡ ಅಯ್ಯಪ್ಪ, ಚಕ್ಕೇರ ವಾಸು ಕುಟ್ಟಪ್ಪ, ಕರ್‌ಂದಂಡ ಪೊನ್ನಮ್ಮ ನಂಜಪ್ಪ, ತೀತಿರ ಉರ್ಮಿಳ ಸೋಮಯ್ಯ, ಕೂಡಿಯಾಡ್‌ಚಿ. 'ದೇವನೆಲೆರೊಳ್‌ಲ್ ಕೊಡವ ಸಂಸ್ಕೃತಿ' ವಿಷಯತ್ ಸಾಯಿಶಂಕರ್ ವಿದ್ಯಾಸಂಸ್ಥೆರ ಗೌರವ ಕಾರ್ಯದರ್ಶಿ ಪ್ರೊ. ಇಟ್ಟೀರ ಕೆ. ಬಿದ್ದಪ್ಪ ತಕ್ಕ ಪರ್‌ಂದತ್.

ಊರ್ ತಕ್ಕಂಗಳಾನ ಅಜ್ಜಿಕುಟ್ಟೀರ ತಿಮ್ಮಯ್ಯ, ಚಕ್ಕೇರ ಪೆಮ್ಮಯ್ಯ, ಬೊಳ್ಳಾಜಿರ ನಂಜಪ್ಪ ಕೂಡಿಯಾಡ್‌ನ ಈ ಕಾರ್ಯಕ್ರಮತ್ ಉಮ್ಮತ್ತಾಟ್, ಬೊಳಕಾಟ್, ಕೂಡ್‌ನನೆಕೆ ಫಲತರ ಸಾಂಸ್ಕೃತಿಕ ಕಾರ್ಯಕ್ರಮ ನಡ್‌ಂದತ್. ಹುದಿಕೇಲಿ ಮಾದೇವಡ ದೇವನೆಲೆರ ಅಧ್ಯಕ್ಷ ಕರ್‌ಂದಂಡ ಸಂಪತ್ ಇಯಂಗಡ ಸಹಕಾರತ್ ಅಂದೋಡೆ ನಡ್‌ಂದ ಈ ಕಾರ್ಯಕ್ರಮತ್ ಅಕಾಡೆಮಿ ಸದಸ್ಯ ಮೇಲತಂಡ ರಮೇಶ್ ಸಂಚಾಲಕತ್ವ ವಹಿಸಿಯಂಡ್ ನೀಸ್‌ಚಿ.

ಚಂಗ್ರಾಂದಿ ಕೊಡವ ಭಕ್ತಿ ಪಾಟ್

ಕೊಡವ ಸಾಹಿತ್ಯ ಅಕಾಡೆಮಿ ಆದ್ಯದಾಯಿತ್ ಕೊಡಗ್‌ರ ಕುಲದೇವಿ ಕಾವೇರಿರ ತೀರ್ಥ ಬಪ್ಪ ನೇರತ್ ಕಾರ್ಯಕ್ರಮ ಕೊಡ್‌ಪನ್ನತ ಭಾಗ್ಯ ಪಡಂದತ್. ನಾಳಂಕೆ 17-10-2012 ಪದನಾಚೆ ತಲಕಾವೇರಿಲ್ ನಡ್‌ಂದ ಚಂಗ್ರಾಂದಿ ಕೊಡವ ಭಕ್ತಿಪಾಟ್ ಕಾರ್ಯಕ್ರಮ ಪೆರ್ತ್ ಚಾಯೋಡೆ ನಡ್‌ಂದತ್. ಅಡ್ಡಂಡ ಕಾರ್ಯಪ್ಪಂಡ ಅಧ್ಯಕ್ಷತೆಲ್ ಸಂಗೀತ ಕಲಾವಿದಂಗಳಾನ ಚಕ್ಕೇರ ಪಂಚಮ್ ಬೋಪಣ್ಣ, ಲಾಲ್‌ಕುಮಾರ್, ಕು. ಸಂಗೀತ, ವಿ.ಟಿ. ಶ್ರೀನಿವಾಸ್ ಮೂಂದ್ ಗಂಟೆ ನೇರ ಕೊಡವ ಸಂಗೀತ ಕಾರ್ಯಕ್ರಮ ನಡ್‌ತ್‌ಚಿ.

ಆದ್ಯದಾಯಿತ್ ಇಂತೋರ್ ಕಾರ್ಯಕ್ರಮ ನಡ್‌ಂದಾನ ತಲಕಾವೇರಿಲ್ ಕೂಡಿತಿಂಜ ಪೆರ್ತ್ ಜನ ಕುಶಿ ಪಟ್ಟದಲ್ಲತೆ, ಮೈಸೂರ್ ಬೆಂಗಳೂರ್‌ಂಜ ಬಂದಿತಿಂಜ ಕೊಡವಾಭಿಮಾನಿಯ ಕೊಡವ ಸಾಹಿತ್ಯ ಅಕಾಡೆಮಿಕಾರ ಕುಪ್ಪ ಚೇಲೆಲ್ ಇಂಜಾನ ಕಂಡಿತ್ ಕುಶಿ ಪಟ್ಟತ್. ಕೊಡವ ಸಾಹಿತ್ಯ ಅಕಾಡೆಮಿ ಇಂತ ಕಾರ್ಯಕ್ರಮತ್‌ನ ನಡ್‌ತಂಡು, ಕೊಡವ ಭಕ್ತಿಪಾಟ್ ಪರಂಪರೆನ ಬೊಳ್‌ತಂಡೂಂದ್ ಸಲಹೆ ತಾತ್. ಈ ಕಾರ್ಯಕ್ರಮತ್‌ನುಂಡ್ ಬಪ್ಪಕಾಲ ಅಕಾಡೆಮಿರ ಎಲ್ಲಾ ಸದಸ್ಯಂಗ ಜೊತೆಕ್ ಬಲ್ಯ ಸಂಖ್ಯೆಲ್ ಕೊಡವ ಸಾಂಪ್ರದಾಯಿಕ ಉಡ್‌ಪುಲ್ ಇಂಜಿತ್ ಇಂಇಚ್ಚಕೂ ಕೊಡವ ಸಂಗೀತ ಕಾರ್ಯಕ್ರಮ ನಡ್‌ತುವಕ್ ನಿರ್ದಾರ ಎಡ್‌ತಂಡಿತ್.

ಮೇಲತಂಡ ರಮೇಶ್ ಪಿಂಇ ಚರ್ಮಂಡ ಅಪ್ಪುಣು ಪೂವಯ್ಯ ಇಯಂಗಡ ಸಂಚಾಲಕತ್ವತ್ ಈ ಕಾರ್ಬಾರ್ ನಡ್‌ಂದತ್.

ಕೂಡುವ ಸಾಹಿತ್ಯ ಕಿಣ್ವ



ತಾರೀಖು : 26-07-2012

ಕೂಡುವ ಸಾಹಿತ್ಯ ಕಿಣ್ವ

ಕೊಡವ ಸಂಗೀತ (ಪಾಟ್‌ನಮ್ಮೆ)

ಕೊಡವ ಸಂಗೀತ ಕ್ಷೇತ್ರತ್ ಕಾರ್ಯಕ್ರಮ ಕೊಡಕಂಡು ಪಿಂಞ ಕೊಡವ ಸಂಗೀತ ಕ್ಷೇತ್ರತ್ ಮಕ್ಕಕ್ ಪುರ್ಡ್ ಪುಟ್ಚಿಡುವಕ್ಕಾಯಿತ್ ಬಲ್ಯ ಮಟ್ಟತ್ ಕೊಡವ ಪಾಟ್ ನಮ್ಮೆ ನಡ್ತುವಕ್ ಯೋಜನೆ ಇಟ್ಟಿತ್ ಅಕಾಡೆಮಿ ಕಾರ್ಬಾರ್ಕ್ ಇಳಂಜತ್.

ನಾಳಂಕೆ 05-10-12 ಪಿಂಞ 06-10-12 ಈ ದಂಡ್ ದಿನ ಪೊನ್ನಂಪೇಟೆ ಶ್ರೀ ರಾಮಕೃಷ್ಣ ಶಾರದಾಶ್ರಮತ್ ಪೆರ್ತ್ ಗೌಜಿಲ್ ನಡ್ಂದ ಈ ಕಾರ್ಯಕ್ರಮ ರಾಜ್ಯ ಮಟ್ಟತ್ ಸುದ್ದಿ ಆನದಲ್ಲತೆ, ದೂರದರ್ಶನತ್ ಪ್ರಸಾರ ಆಚಿ.

ಕೊಡಗ್ ನಕ್ಷತ್ರ ಚಕ್ರೇರ ಅಪ್ಪಯ್ಯ ಇಯಂಗಡ ಗೇನತ್ ನಡ್ಂದ ಈ ಕಾರ್ಬಾರ್ನ ಬೆಂಗಳೂರ್ ರಾಮಕೃಷ್ಣ ಆಶ್ರಮತ್ ಸ್ವಾಮಿ ಸ್ವಾತ್ಮಾರಾಮಾನಂದಜೇ ಉದ್ಘಾಟನೆ ಮಾಡ್ಚಿ. ಕೊಡಗ್ ಪದಪೋನ ಸಾಹಿತಿಯಳಾನ ಬಾಚರಣಿಯಂಡ ಅಪ್ಪಣ್ಣ ಜಿಲ್ಲಾ ಪಂಚಾಯಿತಿ ಸದಸ್ಯ ಮೂಕಳೆರ ಕುಶಾಲಪ್ಪ, ತಾಲೂಕ್ ಪಂಚಾಯಿತ್ ಸದಸ್ಯ ಕೋಳೆರ ದಯಾ ಚಂಗಪ್ಪ ಕೂಡಿಯಾಡ್ಚಿ.

ದಂಡನೇ ದಿನ ಆಖೀರಿ ಸಮಾರಂಭತ್ ಅಡ್ಡಂಡ ಕಾರ್ಯಪ್ಪಂಡ ಅಧ್ಯಕ್ಷತೆಲ್ ಕೊಡಗ್ ಸಂಗೀತಕ್ಕಾಯಿತ್ ನಯಿಚೆ 22 ಸಂಗೀತ ಕಲಾವಿದಂಗಳ ಸನ್ಮಾನ ಮಾಡಿತ್ ಗೌರವಿಚಿಟ್ಟದಲ್ಲತೆ, ದಂಡ್ ದಿನ ಫಲತರ ಸಂಗೀತ ಪೈಪೋಟಿ ಪಿಂಞ ಕೊಡವ ಸುಗಮ ಸಂಗೀತ, ಕೊಡವ ಶಾಸ್ತ್ರೀಯ ಸಂಗೀತ, ಕೊಡವ ಜನಪದ, ಕೊಡವ ನಾಟಕ ಪಾಟ್, ಕೊಡವ ಭಕ್ತಿ ಪಾಟ್, ಕೊಡವ ಕೂಡಪಾಟ್ ಇನ್ನನೆ ಫಲತರ ಸಂಗೀತ ಕಾರ್ಯಕ್ರಮ ಇನ್ನನೆ ಫಲತರ ಸಂಗೀತ ಕಾರ್ಯಕ್ರಮ, ವಿಚಾರ ಸಂಕಿರಣ ನಡ್ಂದತ್. ರಾಜ್ಯ ವಿಧಾನಸಭೆ ಅಧ್ಯಕ್ಷ ಕೆ. ಜಿ. ಬೋಪಯ್ಯ, ಉಸ್ತುವಾರಿ ಮಂತ್ರಿ ಅಪ್ಪಚ್ಚು ರಂಜನ್ ಕೂಡನನೆಕೆ ಗಣ್ಯಂಗ ಆಖೀರಿ ಸಮಾರಂಭತ್ ಕೂಡಿಯಾಡ್ಚಿ. ಈ ಸಂದರ್ಭತ್ 'ಕೊಡವ ಭಕ್ತಿ ಪಾಟ್' ಪುಸ್ತಕ ಬುಡ್ಗಡೆ ಆಚಿ.

ಪೊನ್ನಂಪೇಟೆ ಶಾರದಾಶ್ರಮತ್ ಅಧ್ಯಕ್ಷ ಶ್ರೀ ಬೋಧಸ್ವರೂಪಾನಂದ ಸ್ವಾಮಿ ಪಿಂಞ ಪೆರಿಯ ಸ್ವಾಮಿ ಜಗದಾತ್ಮಾನಂದ ಸ್ವಾಮಿ ಇಯಂಗಡ ಪೆರ್ತ್ ಬಲ್ಯ ಸಹಕಾರತ್ ನಡ್ಂದ 'ಕೊಡವ ಸಂಗೀತ ನಮ್ಮೆ' ಅರ್ಥಪೂರ್ಣ ಪಿಂಞ ಶಿಸ್ಟ್ ಬದ್ವವಾಯಿತ್ ನಡ್ಂದಿತ್ ಪೆದಕೊಂಡಬಾತ್. ಸುಮಾರ್ 2000 ಸಂಗೀತಾಭಿಮಾನಿಯ ಕೂಡಿಯಾಡ್ವ ಈ ಕಾರ್ಯಕ್ರಮ ಸ್ವಾಮಿ ವಿವೇಕಾನಂದ ಇಯಂಗಡ 150ನೇ ಪುಟ್ನ ನಮ್ಮೆರ ಗೇನತ್ ನಡ್ಂದದ್ ಇಲ್ಲಿ ಸ್ಮರಣೀಯ. ಈ ಕಾರ್ಯಕ್ರಮ ಚೇಂದಿರ ನಿರ್ಮಲಾ ಬೋಪಣ್ಣ ಪಿಂಞ ಚೇಂದಂಡ ಸುಮಿ ಸುಬ್ಬಯ್ಯ ಇಯಂಗಡ ಸಂಚಾಲಕತ್ವತ್ ನಡ್ಂದತ್.

ಮಂದ್ಲ್ ಅಕಾಡೆಮಿ

ಕರ್ನಾಟಕ ಕೊಡವ ಸಾಹಿತ್ಯ ಅಕಾಡೆಮಿ 'ಕೊಡವ ಸಂಸ್ಕೃತಿ'ನ ಉಳತಿ ಬೊಳತುವ ನ್ಹಲ್ ಮಂದ್ ಮಾನಿಕ್ ಕೊಡವ ಅಕಾಡೆಮಿನ ಕೊಂಡಪೋಪ ಯೋಜನೆ ರೂಪ್‌ಚಿಟ್ಟತ್. ಇದ್‌ನುಂಡ್ ನಿಂದ್‌ಪೋನ ಮಂದ್ ತೊರ್‌ಪೊ, ನಡ್ಂದಂಡುಳ್ಳ ಮಂದ್‌ಕ್ ಪುರ್ಡ್ ಬೆಂಬಲ ಕೊಡ್‌ಪೊ ಉದ್ದೇಶತ್ 'ಮಂದ್ಲ್ ಅಕಾಡೆಮಿ' ಯೋಜನೆ ರೂಪ್‌ಚಿಟ್ಟತ್.

ನಾಳಂಕೆ 30-11-2012ನೇ ಬೊಳ್ಳಾಚೆ ಕುಂದ ಗ್ರಾಮತ್ ಕೈಮುಡಿಕೆ ಮಂದ್ಲ್ ಅಕಾಡೆಮಿ ಫಲತರ ಕಾರ್ಯಕ್ರಮ ನಡ್ತ್‌ಚಿ. ನಾಡ್‌ತಕ್ಕ ಅಡ್ಡಂಡ ಸುಬ್ರಮಣಿ ಅಯಿಂಗಡ ಕೊರವುಕಾರಿಕೆಲ್ ನಡ್ಂದ ಈ ಕಾರ್ಯಕ್ರಮತ್ ತಕ್ಕಂಗಳಾನ ಪಂದಿಮಾಡ ರಮೇಶ್, ಮಳವಂಡ ಪೂಣಚ್ಚ, ವಿಶೇಷ ಬೆಂದುವಾಯಿತ್ ಕೊಡಂದೆರ ಬಾಂಡ್ ಗಣಪತಿ ಕೂಡಿಯಾಡ್ಚಿ.

ನೂರದ ದಿನಗಳ ಸಂಭ್ರಮದ ಸಂಸ್ಥೆ



ತಾರೀಖು : 22-7-2012 ನಾಡು,
ಶ್ರೀ ಕುಮರಪು ಜಿಲ್ಲಾ



ಮಿಂಞಾಕ್ ನಿಂದ್‌ಪೋನ ಮಂದ್‌ನ ತೊರ್‌ಪ ಕಾರ್ಬಾರ್ ಚಿಂತನೆಯೊ ಅಕಾಡೆಮಿಲ್ ಆಯಂಡುಂಡ್. ಅಡ್ಡಂಡ ಕಾರ್ಯಪ್ಪಂಡ ಕೊರವುಗಾರಿಕೆಲ್ ನೂರ್‌ಕಿಂಜ ಮೀತ ಕಲಾವಿದಂಗ ಆಟ್‌ಪಾಟ್‌ಲ್ ಕೂಡಿಯಾಡಿತ್ ಕೊಡವ ಸಂಸ್ಕೃತಿಕ್ ಇಂಬು ಕೊಡ್‌ತತ್.

ಕೊಡವ ಸಂಸ್ಕೃತಿಲ್ ಮುಂದ್ ಮನೆ.

ಕೊಡವ ಸಾಹಿತ್ಯ ಅಕಾಡೆಮಿ ಐನ್‌ಮನೆರ ಜೊತೆಕ್ ಮುಂದ್ ಮನೆರ ವಿಚಾರ ಜಾಗೃತಿ ಮೂಡ್‌ಚಿಡುವಕ್ ಇಟ್ಟ ಯೋಜನೆ "ಕೊಡವ ಸಂಸ್ಕೃತಿಲ್ ಮುಂದ್‌ಮನೆ" ಯೋಜನೆ. ನಾಳಂಕೆ 24-12-2012 ತಿಂಗಳಾಚೆ ಕೋಕೇರಿರ ಚೇನಂಡ ವಕ್ತರ್ ಮುಂದ್‌ಮನೆಲ್ ಪೆರ್ತ್ ಚಾಯೋಡೆ ನಡಂದ ಕಾರ್ಬಾರ್ ಮುಂದ್ ಮನೆ ಕೊಡವ ಸಂಸ್ಕೃತಿ.

ರಾಜ್ಯ ವಿಧಾನಸಭೆರ ಅಧ್ಯಕ್ಷ ಕೆ. ಜಿ. ಬೋಪಯ್ಯ ಉದ್ಘಾಟನೆ ಮಾಡ್‌ನ ಈ ಕಾರ್ಬಾರ್ ಮುಂದ್‌ಮನೆಲ್ ನೆಲ್ಲಕ್ಕಿ ಅಕ್ಕಿ ಇಟ್ಟಿತ್, ಕೈಮಡಕ್ ತೊತ್ತಿತ್ ಬಪ್ಪಂತ ಅರ್ಥಪೂರ್ಣ ಕಾರ್ಯಕ್ರಮ ನಡಂದತ್. ಮುಖ್ಯಬೆಂದುವಾಯಿತ್ ತಾಮನೆ ಮೂಡಿ ಮುಲ್ಲೇಂಗಡ ಬೇಬಿ ಜೋಂದಮ್ಮ, ಡಾ. ಚೇನಂಡ ಮುದ್ದಪ್ಪ, ಪಟ್ಟೇದಾರ ಚೇನಂಡ ಮೊಣ್ಣಪ್ಪ ಕೂಡಿಯಾಡ್‌ಚಿ.

ಮುಂದ್ ಮನೆರ ವಿಚಾರತ್ ಕಾವೇರಿ ವಿದ್ಯಾಸಂಸ್ಥೆರ ಉಪಾಧ್ಯಕ್ಷ ಅಜ್ಜಿನಿಕಂಡ ಟಿ. ಭೀಮಯ್ಯ ತಕ್ಕ್ ಪರಂದತ್. ಮುಂದ್‌ಮನೆ ಪಟ್ಟಿಲ್ ಚೇನಂಡ ವಕ್ತಕಾರ ಬೊಳಕಾಟ್, ಉಮ್ಮತ್ತಾಟ್ ಕಾರ್ಯಕ್ರಮ ನಡತ್‌ಚಿ. ಬಲ್ಯ ಸಂಖ್ಯೆಲ್ ಕೂಡಿಯಾಡ್‌ನ ಬೆಂದುವ ಊರ್‌ಕಾರ ಅಕಾಡೆಮಿರ ಇಂತ ಕಾರ್ಬಾರ್ ಪ್ರತೀ ವಕ್ತೂ ನಡ್‌ಕಂಡೂಂದ್ ಅಭಿಪ್ರಾಯ ಪಟ್ಟಿತ್.

ಅಡ್ಡಂಡ ಕಾರ್ಯಪ್ಪಂಡ ಅಧ್ಯಕ್ಷತೆಲ್ ನಡಂದ ಈ ಕಾರ್ಬಾರ್‌ಲ್ ಚರ್ಮಂಡ ಅಪ್ಪಣು ಪೂವಯ್ಯ ಪಿಂಞ ನೆರೆಯಂಡಮ್ಮಂಡ ಉಮಾಪ್ರಭು ಸಂಚಾಲಕತ್ತ್ ವಹಿಸಿತ್ ಕಾರ್ಬಾರ್ ನೀಸ್‌ಚಿ.

ಅಚ್ಚಿಯಂಡ ಐನ್‌ಮನೆಲ್ ಸಂಸ್ಕೃತಿ

ಕೊಡವ ಸಂಸ್ಕೃತಿಲ್ ಕೊಡವ ತಕ್ಕ್ ಪರವ ಜನಾಂಗತ್‌ರ ಕಾಣಿಕೆ ಬಲ್ಯದ್. ಈ ನಾಟ್‌ಲ್ ಕೊಡಗ್‌ರ ಅಮ್ಮಕೊಡವ ಜನಾಂಗ ಒಂದ್. ಪೊನ್ನಂಪೇಟೆರ ಪಕ್ಕ ಹಳ್ಳಿಗಟ್‌ಲ್ ಅಚ್ಚಿಯಂಡ ವಕ್ ಪೆರ್ತ್ ಚಾಯೋಡೆ ಐನ್‌ಮನೆ ಬೆಚ್ಚಂಡ್ ಕೊಡವ ಸಂಸ್ಕೃತಿನ ಪೋತಿಯಂಡ್ ಬಂದಿತ್.

ಈ ನಾಟ್‌ಲ್ ನಾಳಂಕೆ 28-12-2012 ಬೊಳ್ಳಾಚೆ ಹಳ್ಳಿಗಟ್ ಅಚ್ಚಿಯಂಡ ಐನ್‌ಮನೆಲ್ "ಐನ್‌ಮನೆ ಸಂಸ್ಕೃತಿ" ಕಾರ್ಯಕ್ರಮ ನಡಂದತ್. ಅಡ್ಡಂಡ ಕಾರ್ಯಪ್ಪ ಅಯಿಂಡ ಅಧ್ಯಕ್ಷತೆಲ್ ನಡಂದ ಈ ಕಾರ್ಯಕ್ರಮತ್ ರಾಜ್ಯ ವಿಧಾನ ಸಭಾ ಅಧ್ಯಕ್ಷ ಕೆ. ಜಿ. ಬೋಪಯ್ಯ ಕಾರ್ಬಾರ್ ಉದ್ಘಾಟನೆ ಮಾಡ್‌ಚಿ. ಮುಖ್ಯ ಬೆಂದುವಾಯಿತ್ ನಿವೃತ್ತ ನ್ಯಾಯಾಧೀಶ ಚೊಟ್ಟಿಕೊರಿಯಂಡ ಕೆ. ಬಾಲಕೃಷ್ಣ, ಅಚ್ಚಿಯಂಡ ರಾಮಕೃಷ್ಣ, ಕೊಡಗು ಗಣೇಶ್ ಕೂಡಿಯಾಡ್‌ಚಿ.

ಐನ್‌ಮನೆ ಪಿಂಞ ಸಂಸ್ಕೃತಿರ ವಿಚಾರತ್ ಚಿಲ್ಲಜಮ್ಮನ ಸೋಮೇಶ್ ವಿಷಯ ಮಂಡನೆ ಮಾಡ್‌ಚಿ. ಸಾಂಸ್ಕೃತಿಕ ಕಾರ್ಯಕ್ರಮ ನಡಂದತ್. ಅಮ್ಮ ಜನಾಂಗ ಜನಸಂಖ್ಯೆಲ್ ಕಮ್ಮಿ ಆಯಂಡ್ ಉಂಡ್. ಜೊತೆಕ್ ಮತಾಂತರ ಆಯಂಡ್ ಉಂಡ್, ಈಂಡ ವಿಷಯತ್ ಎಚ್ಚರ ಎಡ್‌ಕಂಡು ಎಣ್ಣುವ ಅಭಿಪ್ರಾಯ ಕಾರ್ಯಕ್ರಮತ್ ವ್ಯಕ್ತ ಆಚಿ.

ಅಚ್ಚಿಯಂಡ ವಕ್ತರ್ ಬೋಸ್ ಪಿಂಞ ಕೂಟ್‌ಕಾರ ಪೆರ್ತ್ ಮುತುವರ್ಜಿಲ್ ನಡತ್‌ನ ಈ ಕಾರ್ಯಕ್ರಮ ಚಾಯೋಡೆ ನಡಂದತ್. ಶ್ರೀಮತಿ ಬಡಕಡಮ್ಮಂಡ ಕಸ್ತೂರಿ ಗೋವಿಂದಮ್ಮಯ್ಯ ಪಿಂಞ ನೆರೆಯಂಡಮ್ಮಂಡ ಉಮಾ ಪ್ರಭು ಇಯಂಗಡ ಸಂಚಾಲಕತ್ತ್ ಕಾರ್ಯಕ್ರಮ ನೀಸ್‌ಚಿ.



ಕೊಡವ ಸಂಸ್ಕೃತಿ-ಬೋಧಕ ಸಂಸ್ಕೃತಿ
 ನಾಳಂದೆ : 19-8-2012 ನಾರಾಜೆ



Culture & Agriculture



ಕುಂಞಿಯಡ ಕೊಡವ ಸಂಸ್ಕೃತಿ ನಮ್ಮೆ


ಕೊಡವ ತಕ್ಕ, ಜಾನಪದ, ಸಂಸ್ಕೃತಿ ಉಳಿಯಂಡುವೇಂಗಿ ನಂಗಡ ಮಿಂಞಾತ್ ಪೀಳಿಗನ ಗೇನ ಮಾಡಂಡು. ಈ ನಾಟ್ಲ ಕುಂಞಿ ಮಕ್ಕಳ ಗೇನ ಬೆಚ್ಚಿತ್ ಕರ್ನಾಟಕ ಕೊಡವ ಸಾಹಿತ್ಯ ಅಕಾಡೆಮಿ ' ಕುಂಞಿಯಡ ಕೊಡವ ಸಂಸ್ಕೃತಿ ನಮ್ಮೆ ಯೋಜನೆ' ರೂಪ್‌ಚಿಟ್ಟಿತ್.

ನಾಳಂಕೆ 18-01-2013 ಬೊಳ್ಳಾಚೆ ಮಡಿಕೇರಿ ಗಾಂಧಿ ಪರಂಬಲ್ ನಡಂದ ಕುಂಞಿಯಡ ಸಂಸ್ಕೃತಿ ನಮ್ಮೆಲ್ 7ನೇ ಕ್ಲಾಸ್‌ರ ಒಳ್‌ಲ್ ಉಳ್ಳ ಆಯಿರ ಕಣಕ್‌ಲ್ ಮಕ್ಕ ನಮ್ಮೆಲ್ ಕೂಡಿಯಾಡ್‌ಚಿ. ಕೊಡವ ಅಕಾಡೆಮಿ ಆದ್ಯಾಯಿತ್ ಇಂತೋರ್ ಯೋಜನೆ ಇಟ್ಟಾನ ಮುಖ್ಯಬೆಂದುವಾಯಿತ್ ಬಂದ ಕೊಡಗ್‌ರ ಉಸ್ತವಾರಿ ಮಂತ್ರಿ ರಂಜನ್ ಅಪ್ಪಚ್ಚು ಕೊಂಡಾಡ್‌ಚಿ. ಅಡ್ಡಂಡ ಕಾರ್ಯಪ್ಪಂಡ ಅಧ್ಯಕ್ಷತೆಲ್ ನಡಂದ ಈ ಕಾರ್ಯಕ್ರಮತ್ ಮಡಿಕೇರಿ ಕೊಡವ ಸಮಾಜತ್‌ರ ಅಧ್ಯಕ್ಷ ಮಾತಂಡ ಸುರೇಶ್ ಚಂಗಪ್ಪ ಮುಖ್ಯ ಬೆಂದುವಾಯಿತ್ ಕೂಡಿಯಾಡ್‌ಚಿ.

ಕುಂಞಿಯ ಬೊಳಕಾಟ್, ಉಮ್ಮತ್ತಾಟ್, ಕೋಲಾಟ್, ಒಂಟಿನೆಟನೆ, ತಮಾಷಿ ಭಾಷಣ, ಕೊಡವ ಪಾಟ್, ಪೈಪೋಟಿಲ್ ಕೂಡಿಯಾಡಿತ್ ಯಶಸ್ವಿ ಕಾರ್ಯಕ್ರಮ ಮಾಡ್‌ಚಿ. ಸಮಾರಂಭತ್‌ರ ಸುರೂಲ್ ದೇವಯ್ಯ ಮೆಮೋರಿಯಲ್ ಸ್ಕೂಲ್ ಮಕ್ಕ ಆಡಿತ್ ಕಾರ್ಯಕ್ರಮ ಉದ್ಘಾಟನೆ ಮಾಡ್‌ಚಿ. ಕಾರ್ಯಕ್ರಮತ್ ಮಕ್ಕಳೇ ವೇದಿಕೆಲ್ ಅಳತಿತ್ ಕಾರ್ಬಾರ್ ನಡತಿ ತಾತ್. ಜನರಲ್ ತಿಮ್ಮಯ್ಯ ಪಬ್ಲಿಕ್ ಸ್ಕೂಲ್ ಮಡಿಕೇರಿ ಮಕ್ಕ ಕಾರ್ಯಕ್ರಮ ನಿರೂಪಣೆ ಮಾಡ್‌ಚಿ. ಬೊಟ್ಟೋಳಂಡ ಮಿಟ್ಟು ಪಿಂಞ ನಾಪಂಡ ಕಾಳಪ್ಪ ಸಂಚಾಲಕತ್ವತ್ ಕಾರ್ಬಾರ್ ನೀಸ್‌ಚಿ.

ಕೊಡವ ನಾಟಕ ಪಿಂಞ ಪಾಟ್‌ಕೋರ್ ಆಟ್ ಪೈಪೋಟಿ

ಕರ್ನಾಟಕ ಕೊಡವ ಸಾಹಿತ್ಯ ಅಕಾಡೆಮಿ ಕೊಡವ ನಾಟಕ ಪಿಂಞ ಕೊಡವ ಪಾಟ್ ಆಟ್‌ನ ಅಭಿವೃದ್ಧಿಪಡ್‌ತುವ ಉದ್ದೇಶತ್ ಕೊಡವ ನಾಟಕ ಪಿಂಞ ಪಾಟ್‌ಕೋರ್ ಆಟ್ ಕಾರ್ಯಕ್ರಮತ್‌ನ ಮಡಿಕೇರಿರ ಭಾರತೀಯ ವಿದ್ಯಾಭವನತ್ ತಾರೀಕ್ 23 ಪಿಂಞ 24-01-2013ಲ್ ನಡತ್‌ಚಿ. ಈ ಕಾರ್ಯಕ್ರಮತ್ ಬೋರೆ ಬೋರೆ ಸ್ಕೂಲ್, ಕಾಲೇಜ್ ಪಿಂಞ ಸಾರ್ವಜನಿಕಂಗಡ ತಂಡ ಭಾಗವಹಿಸ್‌ಚಿ. ನಾಟಕ ಪೈಪೋಟಿಲ್ ಪೊನ್ನಂಪೇಟೆರ ಅಪ್ಪಚ್ಚ ಕವಿ ಸ್ಕೂಲ್ 1ನೇ ಇನಾಂನೋ, ರೂಟ್ಸ್ ಸ್ಕೂಲ್ ಟಿ. ಶೆಟ್ಟಿಗೇರಿ 2ನೇ ಇನಾಂನೋ, ನಾಪೋಕ್ಲರ ರಾಮ ಟ್ರಸ್ಟ್ 3ನೇ ಇನಾಂನೋ ಪಡಂದತ್. ನಲ್ಲ ನಿರ್ದೇಶನಕ್ ರೂಟ್ಸ್ ಸ್ಕೂಲ್, ನಲ್ಲ ನಟನೆಕ್ ರಾಮ ಟ್ರಸ್ಟ್ ನಾಪೋಕ್ಲ, ನಲ್ಲ ರಂಗಸಜ್ಜಿಗಕ್ ರೂಟ್ಸ್ ಸ್ಕೂಲ್, ನಲ್ಲ ವೇಷ ಭೂಷಣಕ್ ಅಪ್ಪಚ್ಚಕವಿ ವಿದ್ಯಾಲಯ, ಪ್ರೋತ್ಸಾಹ ಇನಾಂ ಆಯಿತ್ ಜನರಲ್ ತಿಮ್ಮಯ್ಯ ಪಬ್ಲಿಕ್ ಸ್ಕೂಲ್ ಪಡಂದತ್. ಪಾಟ್‌ಕೋರ್ ಆಟ್ ಪೈಪೋಟಿಲ್ 1ನೇ ಇನಾಂನ ರೋಟರಿ ಸ್ಕೂಲ್, ವೀರಾಜಪೇಟೆ, 2ನೇ ಇನಾಂನ ಅಪ್ಪಚ್ಚಕವಿ ಸ್ಕೂಲ್, ಪೊನ್ನಂಪೇಟೆ, 3ನೇ ಇನಾಂ ಜ. ತಿಮ್ಮಯ್ಯ ಸ್ಕೂಲ್, ಮಡಿಕೇರಿ ಇಯಂಗ ಪಡಂದಂಡಿತ್. ತೀರ್ಪುದಾರಂಗಳಾಯಿತ್ ರಂಗಭೂಮಿ ಕಲಾವಿದ ಶ್ರೀ ಶ್ರೀನಿವಾಸ ನಾಯ್ಡು ಪಿಂಞ ಶ್ರೀ ಅಲ್ಲಾರಂಡ ವಿರಲ್ ನಂಜಪ್ಪ, ಶ್ರೀ ಬಿ. ಸಿ. ಶಂಕರಯ್ಯ ಪಿಂಞ ಶ್ರೀಮತಿ ವಿನಯ ಕೃಷ್ಣಮೂರ್ತಿ ಕೂಡಿಯಾಡ್‌ಚಿ. ಅಡ್ಡಂಡ ಸಿ. ಕಾರ್ಯಪ್ಪ ಅಯೆಂಗಡ ಅಧ್ಯಕ್ಷತೆಲ್ ನಡಂದ ಈ ಕಾರ್ಯಕ್ರಮತ್‌ನ ಶ್ರೀಮತಿ ಮೊಣ್ಣಂಡ ಶೋಭ ಸುಬ್ಬಯ್ಯ ಅಯೆಂಗ ಉದ್ಘಾಟನೆ ಮಾಡ್‌ಚಿ, ಮುಖ್ಯಬೆಂದುವಾಯಿತ್ ಶ್ರೀ ಮಾದೇಟಿರ ಬೆಳ್ಳಪ್ಪ ರಂಗಭೂಮಿ ಕಲಾವಿದ ಅಯೆಂಗ ಕೂಡಿಯಾಡ್‌ಚಿ. ಅಕಾಡೆಮಿ ಸದಸ್ಯ ಬಡಕಡಮ್ಮಂಡ ಕಸ್ತೂರಿ ಗೋವಿಂದಮ್ಮಯ್ಯ ಪಿಂಞ ಬೊಟ್ಟೋಳಂಡ ಮಿಟ್ಟು ಪೂಣಚ್ಚ ಅಯೆಂಗಡ ಸಂಚಾಲಕತ್ವತ್ ಈ ಕಾರ್ಯಕ್ರಮ ನಡಂದತ್.



ಮಧ್ಯಕಾರದ ಮೂಲಕ ಮೂಡು ಪಾವತಿ



ಶಾಖೆ : ೨೨-೧೧೧/೧೧೧೧
ಶ್ರೀ ಲರಮೇಲಿ ಕಟ್ಟಡಲಿ ಮಠ



ಮೇದಪರೆ ಪಡಿಪು

ಕೊಡವ ಜಾನಪದತರ್ ಒರ್ ಮುಖ್ಯ ಭಾಗವಾನ "ಮೇದಪರೆ" ಸಂಸ್ಕೃತಿನ ಉಳ್ತೆ ಬೊಳತ್‌ವ ಉದ್ದೇಶತ್ ತಾರೀಕ್ 04-02-2013ಲ್ ಮೇದುರ ಸಮುದಾಯ ಭವನ ಯವಕಪಾಡಿಲ್ ಮೇದಪರೆ ಪಡಿಪು ಕಾರ್ಯಕ್ರಮತ್‌ನ ನಡತ್‌ಚಿ. ಅಕಾಡೆಮಿ ಅಧ್ಯಕ್ಷ ಅಡ್ಡಂಡ ಕಾರ್ಯಪ್ಪ ಅಯೆಂಗಡ ಅಧ್ಯಕ್ಷತೆಲ್ ನಡಂದ ಈ ಕಾರ್ಯಕ್ರಮತ್‌ನ ಕುಂಜಿಲ ಗ್ರಾಮಪಂಚಾಯಿತಿ ಅಧ್ಯಕ್ಷ ಕೋಟಿರ ನೈಲ ಚಂಗಪ್ಪ ಅಯೆಂಗ ಉದ್ಘಾಟನೆ ಮಾಡ್‌ಚಿ. ಮುಖ್ಯ ಬೆಂದುವಳಾಯಿತ್ ಶ್ರೀಮತಿ ಕಾಂಡಂಡ ಪ್ರತಿಜ್ಞ ಅಚ್ಚಪ್ಪ, ಶ್ರೀ ಬಡಕ್ಕಡ ಸುರೇಶ್ ಬೆಳ್ಳಪ್ಪ, ಶ್ರೀ ಅಂಜಪರವಂಡ ರವಿ ಚೋಮಣಿ ಕೂಡಿಯಾಡ್‌ಚಿ. ಕೂಡ್‌ಕೂಟ ಬೆಂದುವಾಯಿತ್ ಶ್ರೀ ಮೇದರ ಕುಟ್ಟಪ್ಪ ಹಾಜರಿಂಜತ್. ಈ ತರಬೇತಿ ಶಿಬಿರತ್ 10 ಶಿಬಿರಾರ್ಥಿಯ ಕೂಡಿಯಾಡಿತಿಂಜತ್. ಕುಡಿಯರ ತಮ್ಮಯ್ಯ ಸಂಚಾಲಕತ್ವತ್ ಕಾರ್ಬಾರ್ ನೀಸ್‌ಚಿ.

ಬಾಳೊ ಉಮ್ಮತ್ ಬೊಳಕ್

ತಾರೀಕ್ 17-6-2012ಲ್ ಐರಿ ಸಮಾಜತ್ ಮೇಲತಂಡ ರಮೇಶ್ ಅಯೆಂಗಡ ಸಂಚಾಲಕತ್ವತ್ ವೀರಾಜಪೇಟೆ ಪುರಭವನತ್ ತರಬೇತಿ ಶಿಬಿರ ನಡಂದಿತ್ ಆಖೀರಿ ಸಮಾರಂಭ ನಡಂದತ್. ಈ ಕಾರ್ಯಕ್ರಮತ್ ಬೆಂದುವಳಾಯಿತ್ ಶ್ರೀ ಪುಗ್ಗೇರ ಅಯ್ಯಪ್ಪ, ಶ್ರೀ ತಟ್ಟಂಡ ಪೂಣಚ್ಚ, ಶ್ರೀ ಕಾಮಯಂಡ ಗಣೇಶ್, ಶ್ರೀ ಪಟ್ಟಪಂಡ ರಘು ನಾಣಯ್ಯ ಪಿಂಞ ಪಡಿಪುಕಾರಂಗಳಾಯಿತ್ ಶ್ರೀ ಚೊಟ್ಟಿರ ಈರಪ್ಪ ಅವು ಕೂಡಿಯಾಡ್‌ಚಿ.

ಇದೇ ದಿನ ಮಜ್ಜಣ ಕುಂಜಿಲಗೇರಿ ಗ್ರಾಮತ್ ಪೊಮ್ಮಕ್ಕಡ ಜಾನಪದ ಕಲಾ ಸಂಘತ್ ಚರ್ಮಂಡ ಪೂವಯ್ಯ ಅಯೆಂಗಡ ಸಂಚಾಲಕತ್ವತ್ ಇಲ್ಲಿ ನಡಂದ ತರಬೇತಿ ಶಿಬಿರತ್ ಸಮಾರೋಪ ಸಮಾರಂಭ ನಡಂದತ್. ಈ ಕಾರ್ಯಕ್ರಮತ್ ಮುಖ್ಯ ಬೆಂದುವಳಾಯಿತ್ ಶ್ರೀಮತಿ ತೀತಿರ ಮಣಿ ನಂಜಪ್ಪ, ಶ್ರೀ ಮುಕ್ಕಾಟಿರ ಮೇರಿ ಅಚ್ಚಯ್ಯ, ಪಡಿಪುಕಾರ್ತಿಯಾಯಿತ್ ಶ್ರೀಮತಿ ಮುಂಡಂಡ ಚಿತ್ರಾ ದಿಲೀಪ್ ಅಯೆಂಗ ಕೂಡಿಯಾಡ್‌ಚಿ.

ನಾಳಂಕೆ 17-08-2012ಲ್ ಹುದಿಕೇರಿರ ಲಿಟ್ಲೆ ಪ್ಲವರ್ ಸ್ಕೂಲ್‌ಲ್ ತರಬೇತಿ ಶಿಬಿರ ನಡತಿತ್ ಸಮಾರೋಪ ಸಮಾರಂಭ ಹುದಿಕೇರಿ ಕೊಡವ ಸಮಾಜತ್ ಮೇಲತಂಡ ರಮೇಶ್ ಪಿಂಞ ಚರ್ಮಂಡ ಪೂವಯ್ಯ ಅಯೆಂಗಡ ಸಂಚಾಲಕತ್ವತ್ ನಡಂದತ್. ಶ್ರೀ ಅಳಮೇಂಗಡ ಮುದ್ದಪ್ಪ ಅಯೆಂಗ ಕಾರ್ಯಕ್ರಮ ಉದ್ಘಾಟನೆ ಮಾಡ್‌ಚಿ. ಮುಖ್ಯ ಬೆಂದುವಾಯಿತ್ ಹುದಿಕೇರಿ ಕೊಡವ ಸಮಾಜ ಅಧ್ಯಕ್ಷ ಶ್ರೀ ಬಯವಂಡ ಲಕ್ಷ್ಮಣ, ಪಡಿಪುಕಾರ್ತಿಯಾಯಿತ್ ಚಂಗುಲಂಡ ಅಶ್ವಿನಿ ಸತೀಶ್, ಉಪಸ್ಥಿತಿ ಬೆಂದುವಾಯಿತ್ ಶ್ರೀಮತಿ ಆಶಾಚ್ಯೋತಿ ಅಯೆಂಗ ಕೂಡಿಯಾಡ್‌ಚಿ.

ನರಿಯಂದಡ ಹೈಸ್ಕೂಲ್ ಚೆಯ್ಯಂಡಾಣೆಲ್ ನೆರೆಯಂಡಮ್ಮಂಡ ಉಮಾ ಪ್ರಭು ಅಯೆಂಗಡ ಸಂಚಾಲಕತ್ವತ್ ನಡಂದ ತರಬೇತಿ ಶಿಬಿರತ್ ಸಮಾರೋಪ ಸಮಾರಂಭ ತಾರೀಕ್ 22-08-2012ಲ್ ನಡಂದತ್. ಕಾರ್ಯಕ್ರಮತ್‌ನ ಬೊವ್ವೇರಿಯಂಡ ರಘು ಅಚ್ಚಯ್ಯ ಉದ್ಘಾಟನೆ ಮಾಡ್‌ಚಿ. ಮುಖ್ಯ ಬೆಂದುವಳಾಯಿತ್ ಐತಿಚಂಡ ಜಿ ನಾಣಯ್ಯ, ಕೂಡ್‌ಕೂಟ ಬೆಂದುವಾಯಿತ್ ಚೇನಂಡ ಸಿ. ಬೋಪಯ್ಯ, ಉಪಸ್ಥಿತಿ ಬೆಂದುವಾಯಿತ್ ನಡಿಕೇರಿಯಂಡ ಸೋಮಯ್ಯ ಅಯೆಂಗ ಕೂಡಿಯಾಡ್‌ಚಿ.



శ్రీకృష్ణ కళా కేంద్రం ప్రసంగ సభ

నాడంక - 05-10-2012 06:10-9:00 PM



ಪೊನ್ನಂಪೇಟೆರ ಕಾವೇರಿ ಕೊಡವ ಕೂಟತ್ ಚೇಂದಿರ ನಿರ್ಮಲಾ ಬೋಪಣ್ಣ ಅಯೆಂಗಡ ಸಂಚಾಲಕತ್ವತ್ ನಡಂದ ತರಬೇತಿ ಶಿಬಿರತ್ ಸಮಾರೋಪ ಸಮಾರಂಭ ತಾರೀಕ್ 07-09-2012ಲ್ ನಡಂದತ್. ಕಾರ್ಯಕ್ರಮತ್ ಮುಖ್ಯ ಬೆಂದುವಳಾಯಿತ್ ಕಾಕಮಾಡ ಎನ್. ಚಂಗಪ್ಪ, ಚೆಪ್ಪುಡಿರ ಎಂ. ಪೊನ್ನಪ್ಪ, ಮೂಕಳೇರ ಮುತ್ತಮ್ಮ(ರವಿ) ಕೂಡ್ಕೂಟ ಬೆಂದುವಳಾಯಿತ್ ಚಿಮ್ಮಣಮಾಡ ವಾಸು ಉತ್ತಪ್ಪ ಅಯೆಂಗ ಕೂಡಿಯಾಡ್ಚಿ.

ಮಾದೇವಡ ಯುವಕ ಸಂಘ್ ಹುದಿಕೇರಿಲ್ ಮೇಲತಂಡ ರಮೇಶ್ ಅಯೆಂಗಡ ಸಂಚಾಲಕತ್ವತ್ ನಡಂದ ತರಬೇತಿ ಶಿಬಿರತ್ ಸಮಾರೋಪ ಸಮಾರಂಭ 27-9-2012ಲ್ ನಡಂದತ್. ಮಾತಂಡ ಸಿ. ಮೊಣ್ಣಪ್ಪ ಅಯೆಂಗ ಉದ್ಘಾಟನೆ ಮಾಡ್ಚಿ. ಮುಖ್ಯ ಬೆಂದುವಳಾಯಿತ್ ಪಡಿಣಾರಂಡ ಅಯ್ಯಪ್ಪ, ಚಕ್ಕೇರ ವಾಸು ಕುಟ್ಟಪ್ಪ, ಕಿರ್ಂದಂಡ ಪೊನ್ನಮ್ಮ ನಂಜಪ್ಪ, ತೀತಿರ ಊರ್ಮಿಳ ಸೋಮಯ್ಯ, ಅಯೆಂಗ ಕೂಡಿಯಾಡ್ಚಿ. ವಿಷಯ ಮಂಡನೆಕ್ ತಜ್ಜಂಗಳಾನ ಪ್ರೊ. ಇಟ್ಟೇರ ಕೆ. ಬಿದ್ದಪ್ಪ ಅಯೆಂಗ "ದೇವನೆಲೆರೊಳ್ ಕೊಡವ ಸಂಸ್ಕೃತಿ" ಎಣ್ಣುವ ವಿಷಯತ್ ವಿಚಾರ ಮಂಡನೆ ಮಾಡ್ಚಿ. ಉಪಸ್ಥಿತಿ ಬೆಂದುವಳಾಯಿತ್ ಅಜ್ಜೆಕುಟ್ಟಿರ ತಿಮ್ಮಯ್ಯ, ಚಕ್ಕೇರ ಪೆಮ್ಮಯ್ಯ, ಬೊಳ್ಳಾಜಿರ ನಂಜಪ್ಪ, ಕೂಡ್ ಕೂಟ ಬೆಂದುವಳಾಯಿತ್ ಕಿರುಂದಂಡ ಸಂಪತ್, ಅಯೆಂಗ ಕೂಡಿಯಾಡ್ಚಿ.

ನಿನಾದ ವಿದ್ಯಾ ಸಂಸ್ಥೆ ಹಳ್ಳಿಗಟ್ಟಲ್ ಚೇಂದಿರ ನಿರ್ಮಲಾ ಬೋಪಣ್ಣ ಅಯೆಂಗಡ ಸಂಚಾಲಕತ್ವತ್ ನಡಂದ ತರಬೇತಿ ಶಿಬಿರತ್ ಸಮಾರೋಪ ಸಮಾರಂಭ 9-11-2012ಲ್ ನಡಂದತ್. ಕಾರ್ಯಕ್ರಮತ್ ಮುಖ್ಯ ಬೆಂದುವಳಾಯಿತ್ ಬಲ್ಲಚಂಡ ಶರಿ ಚಂಗಪ್ಪ, ಪೊನ್ನಿಮಾಡ ಸುರೇಶ್ ಅಯೆಂಗ ಕೂಡಿಯಾಡ್ಚಿ.

ತಾರೀಕ್ 16-11-2012ಲ್ ಸೂರ್ಲಬ್ಬಿ ಸರ್ಕಾರಿ ಪ್ರೈಮರಿ ಸ್ಕೂಲ್ ಪಿಂಞ ಹೈಸ್ಕೂಲ್ ಮೋಟನಾಳಿರ ಸನ್ನಿ ಕಾರ್ಯಪ್ಪ ಅಯೆಂಗಡ ಸಂಚಾಲಕತ್ವತ್ ನಡಂದತ್. ಮುಖ್ಯಬೆಂದುವಳಾಯಿತ್ ವೆಂಕಪ್ಪ ಪೂಜಾರಿ, ನಾಪಂಡ ನವೀನ್ ಪೂವಯ್ಯ, ಕು. ತಾಯಮ್ಮ, ಕೂಡ್ಕೂಟ ಬೆಂದುವಳಾಯಿತ್ ನಾಪಂಡ ಗಣೇಶ್, ಮಿನ್ನಂಡ ನೇತ್ತು ಅಯೆಂಗ ಕೂಡಿಯಾಡ್ಚಿ.

ಶ್ರೀ ಭಗವತಿ ದೇವಸ್ಥಾನ ಅಭಿವೃದ್ಧಿ ಸಮಿತಿ, ಶ್ರೀ ಕಾವೇರಿ ಮಹಿಳಾ ಸಮಾಜ, ಬಲ್ಲಮಾವಟಿ ಈ ದಂಡ್ ಸಂಸ್ಥರ ಕೂಡ್ಕೂಟತ್ ನಡಂದ ತರಬೇತಿ ಶಿಬಿರತ್ ಸಮಾರೋಪ ಸಮಾರಂಭತ್ನ ತಾರೀಕ್ 17-11-2012ಲ್ ನೇತಾಜಿ ಹೈಸ್ಕೂಲ್ ನಡತ್ಚಿ. ಈ ಕಾರ್ಯಕ್ರಮತ್ ಮುಖ್ಯ ಬೆಂದುವಳಾಯಿತ್ ಅಪ್ಪಚೆಟ್ಟೋಳಂಡ ಮನು ಮುತ್ತಪ್ಪ, ನೆರವಂಡ ಎಂ. ಉಮೇಶ್, ಕೂಡ್ಕೂಟ ಬೆಂದುವಳಾಯಿತ್ ಅಪ್ಪಚೆಟ್ಟೋಳಂಡ ಎಂ. ಭೀಮಯ್ಯ, ಮೂವೆರ ರೇಖಾ ಪ್ರಕಾಶ್ ಅಯೆಂಗ ಕೂಡಿಯಾಡ್ಚಿ. ಈ ಕಾರ್ಯಕ್ರಮತ್ ಸಂಚಾಲಕತ್ವತ್ನ ಬೊಟ್ಟೋಳಂಡ ಮಿಟ್ಟು ಪೂಣಚ್ಚ ಅಯೆಂಗ ವಹಿಸಿತಿಂಜತ್.

ವೀರಾಜಪೇಟೆರ ರೋಟರಿ ವಿದ್ಯಾಸಂಸ್ಥೆಲ್ ಚರ್ಮಂಡ ಪೂವಯ್ಯ ಅಯೆಂಗಡ ಸಂಚಾಲಕತ್ವತ್ ನಡಂದ ತರಬೇತಿ ಶಿಬಿರತ್ ಸಮಾರೋಪ ಸಮಾರಂಭ ತಾರೀಕ್ 26-11-2012ಲ್ ನಡಂದತ್. ಮುಖ್ಯ ಬೆಂದುವಳಾಯಿತ್ ತೀತಿರ ಮಣಿ ನಂಜಪ್ಪ, ನಡಿಕೇರಿಯಂಡ ನಾಣಯ್ಯ, ಕಂಡ್ರತಂಡ ಪೃಥ್ವಿ ಮಾದಯ್ಯ, ಕೂಡ್ಕೂಟ ಬೆಂದುವಳಾಯಿತ್ ಅಪ್ಪಂಡೇರಂಡ ಕಾಳಪ್ಪ ಅಯೆಂಗ ಕೂಡಿಯಾಡ್ಚಿ.

ಮಾದಾಪುರ ಹೈಸ್ಕೂಲ್ ಪಿಂಞ ಪ್ರೈಮರಿ ಸ್ಕೂಲ್ ಮಕ್ಕಕ್ ಮೋಟನಾಳಿರ ಸನ್ನಿ ಕಾರ್ಯಪ್ಪ ಅಯೆಂಗಡ ಸಂಚಾಲಕತ್ವತ್ ನಡಂದ ತರಬೇತಿ ಶಿಬಿರತ್ ಸಮಾರೋಪ ಸಮಾರಂಭ ತಾರೀಕ್ 27-11-2012ಲ್ ನಡಂದತ್. ಮುಖ್ಯ ಬೆಂದುವಳಾಯಿತ್ ಟಿ.ಪಿ. ಸಂದೇಶ, ಬೆಂದುವಳಾಯಿತ್ ನಾಗಂಡ ಸಚ್ಚಿ ಕಾಳಪ್ಪ, ಕೂಡ್ಕೂಟ



ಶ್ರೀಮಠ ಸಂಘ

ಶ್ರೀ 11-9-2012 ಶ್ರೀಮಠ ಸಂಘ : ಸಂಜೆ 10-30 ಗಂಟೆಗೆ

ಬೆಂದುವಾಯಿತ್ ಹೇಮಾವತಿ, ದಾಕ್ಷಾಯಿಣಿ, ರವಿ, ಪುಟ್ಟಪ್ಪ ಅಯೆಂಗ ಕೂಡಿಯಾಡ್ಚಿ.

ಪೊನ್ನಂಪೇಟೆ ಸಾಯಿಶಂಕರ್ ವಿದ್ಯಾ ಸಂಸ್ಥೆ ಪ್ರಶಾಂತಿ ನಿಯಲತ್ ಪ್ರೊ.ಇಟ್ಟೀರ ಕೆ ಬಿದ್ದಪ್ಪ ಅಯೆಂಗಡ ಸಂಚಾಲಕತ್ವತ್ ನಡಂದ್ ತರಬೇತಿ ಶಿಬಿರತ್ ಸಮಾರೋಪ ಸಮಾರಂಭ ತಾರೀಕ್ 7-12-2012ಲ್ ನಡಂದತ್. ಮುಖ್ಯ ಬೆಂದುವಾಯಿತ್ ಮೂಕಳರ ಎಸ್. ಕುಶಾಲಪ್ಪ, ಕೂಡ್ಕೂಟ ಬೆಂದುವಾಯಿತ್ ಕೋಳೆರ ಝರೂ ಗಣಪತಿ, ಚೇಂದಂಡ ಸುಮಿ ಸುಬ್ಬಯ್ಯ ಅಯೆಂಗ ಕೂಡಿಯಾಡ್ಚಿ.

ಕಾವೇರಿ ಕಾಲೇಜ್ ವೀರಾಜಪೇಟೆಲ್ ಚರ್ಮಂಡ ಪೂವಯ್ಯ ಪಿಂಞ ನಾಟೋಳಂಡ ಜೀವನ್ ಅಯೆಂಗಡ ಸಂಚಾಲಕತ್ವತ್ ನಡಂದ್ ತರಬೇತಿ ಶಿಬಿರತ್ ಸಮಾರೋಪ ಸಮಾರಂಭ ತಾರೀಕ್ 15-12-2012ಲ್ ನಡಂದತ್. ಮುಖ್ಯ ಬೆಂದುವಾಯಿತ್ ಕುಲ್ಲಚಂಡ ಚಿಪ್ಪಿ ಕಾರ್ಯಪ್ಪ, ನಾಣಮಂಡ ವೇಣು ಮಾಚಯ್ಯ, ಕೂಡ್ಕೂಟ ಬೆಂದುವಾಯಿತ್ ಡಾ. ತೀತಿಮಾಡ ಪೂವಯ್ಯ, ನುಚ್ಚುಮಣಿಯಂಡ ನಾಣಯ್ಯ, ಸಂಪನ್ನೂಲ ಬೆಂದು ಕಲಾವಿದಂಗ ಕಾಳಿಮಾಡ ಮೋಟಯ್ಯ, ಮುಲ್ಲೇಂಗಡ ರೇವತಿ ಪೂವಯ್ಯ ಅಯೆಂಗ ಕೂಡಿಯಾಡ್ಚಿ.

ಕುಡಿಯ ಜನಾಂಗತ್ ಕೊಡವ ಸಂಸ್ಕೃತಿನ ಉಳ್ತೆ ಬೊಳತುವ ಉದ್ದೇಶತ್ ಮಲೆ ಕುಡಿಯ ಸಂಘ ತೋರತ್ ಕುಡಿಯಡ ತಮ್ಮಯ್ಯ ಅಯೆಂಗಡ ಸಂಚಾಲಕತ್ವತ್ ತರಬೇತಿ ಶಿಬಿರ ನಡತ್ಚಿ. ಈ ಶಿಬಿರತ್ ಸಮಾರೋಪ ಸಮಾರಂಭ ತಾರೀಕ್ 09-01-2013ಲ್ ಆಟ್ಪಾಟ್ ಮಂದ್, ತೋರತ್ ನಡಂದತ್. ಎನ್. ಎಸ್. ರಾಜಾರಾವ್ ಅಯೆಂಗ ಉದ್ಘಾಟನೆ ಮಾಡ್ಚಿ. ಮುಖ್ಯ ಬೆಂದುವಾಯಿತ್ ಶ್ರೀಮತಿ ತೀತಿರ ಮಣಿ ನಂಜಪ್ಪ, ಕೋದಂಡ ಮಂಜುಳ ಅಯ್ಯಪ್ಪ, ಕೂಡ್ ಕೂಟ ಬೆಂದುವಾಯಿತ್ ಜಿ.ಎಂ. ಚೋಟು ಬಿದ್ದಪ್ಪ, ಬಿ. ಕಿರಣ್ ಕುಲಾಲ್, ಕುಡಿಯಡ ವಸಂತಿ, ತಕ್ಕಾರ ಬೆಂದುವಾಯಿತ್ ಕುಡಿಯಡ ಬೆಳ್ಳಪ್ಪ ಅಯೆಂಗ ಕೂಡಿಯಾಡ್ಚಿ.

ಇನ್ನನೆ ಎಲ್ಲಾ ತರಬೇತಿ ಶಿಬಿರತ್ ಅಧ್ಯಕ್ಷತೆನ ಅಕಾಡೆಮಿರ ಅಧ್ಯಕ್ಷ ಅಡ್ಡಂಡ ಸಿ. ಕಾರ್ಯಪ್ಪ ಅಯೆಂಗ ವಹಿಸಿಂಜತ್. ಒಟ್ಟಾರೆ ನಡಂದ ಎಲ್ಲಾ ಶಿಬಿರತ್ ಅಂದಾಜ್ 1000 ಉಮ್ಮತ್ತಾಟ್ ಶಿಬಿರಾರ್ಥಿಯ ಪಿಂಞ 1000 ಬೊಳಕಾಟ್ ಶಿಬಿರಾರ್ಥಿಯ ತರಬೇತಿ ಪಡಂದಂಡಿತ್. ಅಕಾಡೆಮಿರ ಎಲ್ಲಾ ಸದಸ್ಯಂಗ ಆಯಾ ಭಾಗತ್ ಸಂಚಾಲಕತ್ವ ಭವಾಬ್ದಾರಿ ಎಡ್ತಂಡ್ ಕಾರ್ಬಾರ್ ನೀಸೆಚಿ.

ಸೋಮವಾರ ಅರಸೀಕೆ-ರಸ್ತೆಬದ್ಧ ಕಾರ್ಯ
 ಸಂಜೆಯ ಭಕ್ತಿ ಸಂಧಾನ

ತಾರೀಖು : 29-6-2012 ಬೆಂಗಳೂರು



ಅಕಾಡೆಮಿರ ಪುದಿಯ ಕ್ರಿಯಾಯೋಜನೆ - 2013

1. ಕೊಡವ ತಕ್ಯ ಜಾಗೃತಿ : ಕೊಡವ ಘೋಷವಾಕ್ಯ ಕ್ಯಾಲೆಂಡರ್‌ನ ಎಲ್ಲಾ ಸ್ಕೂಲ್ ಕಾಲೇಜ್‌ಲೂ ಇಡ್‌ವನ್ನತ ಕಾರ್ಯಕ್ರಮ ಪಿಂಞ ಎಲ್ಲಾ ಸ್ಕೂಲ್‌ಲೂ ಅಪ್ಪಚ್ಚಕವಿರ ಫೋಟೋತ್‌ನ ಬೆಪ್ಪ ಕಾರ್ಯಕ್ರಮ.
2. ಕೊಡವ ಸಂಸ್ಕೃತಿಲ್ ಕೃಷಿ ಪದ್ಧತಿ : ಕೃಷಿ ಪದ್ಧತಿಕ್ ಸಂಬಂದ ಪಟ್ಟ ವಿಚಾರ ಮಂಡನೆ. ಮಳೆ ಬೋಳೆರ ವಿಚಾರತ್‌ಲ್ ಕವನ ಎಳೆದಿತ್ ಪುಸ್ತಕ ರೂಪತ್ ಪ್ರಕಟ ಪಡ್‌ತ್‌ವೊ. ಕವಿಗೋಷ್ಠಿ, ನಾಟಿ ಮಾಡ್‌ನ ಬೇಲ್‌ಲ್ ವಿಶೇಷ ಕಾರ್ಯಕ್ರಮ, ಕಳಿಕೂಟಿ ನಡ್‌ತ್‌ವೊ.
3. ನಂಗಡ ದೇವನೆಲೆ -ನಂಗಡ ಸಂಸ್ಕೃತಿ : ಕೊಡಗ್‌ರ ದೇವ ಸ್ಥಾನಕೂ ನಂಗಡ ಸಂಸ್ಕೃತಿಕೂ ಸಮ್ಮಂದ ಉಂಡ್. ಕೊಡಗ್‌ರ ಎಲ್ಲಾ ದೇವಸ್ಥಾನತ್‌ರ ಪೂರ್ತಿ ವಿವರತ್‌ರ ಪುಸ್ತಕತ್‌ನ ಪ್ರಕಟಿ ಪಡ್‌ತ್‌ವೊ. ಅಂಜ ದೇವ ಸ್ಥಾನತ್‌ಲ್ ಅಕಾಡೆಮಿರ ಚಾನಪದ ಕಲೆನ ಪ್ರದರ್ಶನ ಮಾಡುವೊ. ಅಪ್ಪಚ್ಚ ಕವಿರ ಭಕ್ತಿ ಗೀತೆರ ಸಂಗೀತ ಕಾರ್ಯಕ್ರಮ ನಡ್‌ತ್‌ವೊ.
4. ಡಾ|| ಐ.ಮಾ. ಮುತ್ತಣ್ಣ ಸಾಹಿತ್ಯ ನಮ್ಮೆ : ಡಾ|| ಐ.ಮಾ.ಮುತ್ತಣ್ಣ ಅಯಿಂಗಡ ಸಾಹಿತ್ಯತ್‌ನ ಪರಿಚಯ ಮಾಡುವ ದಂಡ್ ದಿನತ್‌ರ ಕಾರ್ಯಕ್ರಮ. ವಿಚಾರಗೋಷ್ಠಿ, ಸಂಗೀತ ಕಾರ್ಯಕ್ರಮತ್‌ರ ಕೂಟ್‌ಕ್ ನಾಟಕ ಪ್ರದರ್ಶನ ಇಪ್ಪ.
5. ಅಪ್ಪಚ್ಚಕವಿ ನಾಟಕತ್‌ರ ಪೈಪೋಟಿ : ಅಪ್ಪಚ್ಚಕವಿರ ನಾಟಕ ಪೈಪೋಟಿ ನಡ್‌ತ್‌ವಾಂಡ ಕೂಟ್‌ಕ್ ಕವಿಯಕ್ ಸಾಹಿತ್ಯತ್‌ರ ವಿಚಾರತ್‌ನ ರಸಪ್ರಶ್ನೆ ಕಾರ್ಯಕ್ರಮ ನಡ್‌ತ್‌ವೊ.
6. ಚಕ್ಕೇರ ಅಪ್ಪಯ್ಯ ಸ್ಮರಣೆ ಸಂಗೀತ ನಮ್ಮೆ : ಕೊಡವ ಭಾಷೆಲ್ ಬೋರೆ ಬೋರೆ ಸಂಗೀತ ಪ್ರಕಾರತ್ ಒತ್ತನೆಕ ಸಂಗೀತ ನಮ್ಮೆ ನಡ್‌ತ್‌ವಾಂಡ ಕೂಟ್‌ಕ್ ನೃತ್ಯ ಪ್ರದರ್ಶನತ್‌ನೋ ಏರ್ಪಾಡ್ ಮಾಡುವೊ.
7. ಪ್ರತಿ ತಾಲೂಕ್‌ಲ್ ಸಾಹಿತ್ಯ ಪಿಂಞ ಸಾಂಸ್ಕೃತಿಕ ನಮ್ಮೆ : ಕೊಡಗ್‌ರ ಮೂಂದ್ ತಾಲ್ಲೂಕ್‌ರ ಓರೋರಂದ್ ಗ್ರಾಮೀಣ ಭಾಗತ್‌ಲ್ ಸಾಹಿತ್ಯ ಪಿಂಞ ಸಾಂಸ್ಕೃತಿಕ ಮಿನಿ ಮೇಳತ್‌ನ ನಡ್‌ತ್‌ವೊ. ಈ ಮೇಳತ್‌ಲ್ ಪುಸ್ತಕ ಪ್ರದರ್ಶನ, ಆಟ್‌ಪಾಟ್ ಪೈಪೋಟಿ, ಸಾಂಸ್ಕೃತಿಕ ಪ್ರದರ್ಶನ, ವಿಚಾರಗೋಷ್ಠಿ ಪಿಂಞ ಕನ್ನಡ ಭಾಷೆಲ್ ಕವಿಗೋಷ್ಠಿ ಪಿಂಞ ಮೇಳಕ್ ಸಂಬಂಧಪಟ್ಟನೆಕ ವಿಶೇಷ ಕಾರ್ಯಕ್ರಮ.
8. ಕೊಡವ ಕನ್ನಡ ಕವಿ ಗೋಷ್ಠಿ : ಕೊಡವ ಪಿಂಞ ಕನ್ನಡ ಭಾಷೆಲ್ ಕವಿಗೋಷ್ಠಿ ನಡ್‌ತ್‌ವಂಜಿ ಪುಸ್ತಕ ಪ್ರಕಟಣೆ ಮಾಡುವೊ. ಕನ್ನಡತ್‌ರ ಕೇಳಿಪಟ್ಟಿ ಕವಿಯಳ ಕಾಕಿಕೂಟುವಂಜಿ ವಿಶೇಷವಾಯಿತ್ ಪೊರಬೆಲ್ಲೆರ ಕಾರ್ಯಕ್ರಮ ನಡ್‌ತ್‌ವಲಕ್ ತೀರ್ಮಾನ ಮಾಡಿತ್.
9. ಕೊಡವ ಸಾಹಿತ್ಯ ಶಿಬಿರ : ಕೊಡವ ಸಾಹಿತ್ಯಕ್ ಸಂಬಂಧಪಟ್ಟನೆಕ ವಿಶೇಷವಾಯಿತ್ ಕಥೆ, ಕವನ, ಕಾದಂಬರಿ, ಐಲಾಟ, ಚುಟುಕ ಕೂಡ್‌ನನಕ ಸಾಹಿತ್ಯ ಶಿಬಿರ ನಡ್‌ತ್‌ವಕ್ ಏರ್ಪಾಡ್ ಮಾಡಿತ್. ಪಿ.ಯು.ಸಿ. ಪಿಂಞ ಅದ್‌ಂಗ್ ಮೇಲ್ಪಟ್ಟಿ ವಿದ್ಯಾರ್ಥಿಯಕ್ ಈ ಕಾರ್ಯಕ್ರಮತ್‌ನ ನಡ್‌ತ್‌ವ. ಶಿಬಿರತ್‌ಲ್ ಏರ ಪಡಿಪುರ ಅವಶ್ಯಕತೆ ಉಳ್ಳ ಹಿನ್ನೆಲೆಲ್ 5 ದಿನ ಶಿಬಿರ ನಡ್‌ಪ.
10. ಕೊಡವ ವಾದ್ಯ ಪರಿಕರ ಎಡ್‌ಪೊ : ಕೊಡವ ಸಂಗೀತಕ್ ಸಮ್ಮಂದಪಟ್ಟನ್ನೆಕ ಓರೋರಂದ್ ವಾದ್ಯತ್‌ಲ್ ಕೇಳಿ ಪಟ್ಟಿ ಕಲಾವಿದಂಗ್ ಬಿಲ್ಲೆಲ್ ಉಂಡ್. ಇನ್ನತ ಕಲಾವಿದಂಗಕ್ ಪುರ್‌ಡ್ ಕೂಡ್‌ಪ ಉದ್ದೇಶತ್‌ಲ್ ದುಡಿ, ತಾಳ, ಪರೆ, ಪುತ್ತರಿಕೋಲ್, ಡೋಳ್, ಕುಪ್ಪ, ಚೇಲೆ, ಚೆಕ್‌ವಸ್ತ್ರತ್‌ನ ಅಕಾಡೆಮಿರ ಮೂಲಕ ಖರೀದಿ ಮಾಡುವಂಜಿ ಅರ್ಹಂಗಕ್ ಕೂಡ್‌ಪಕ್ ತೀರ್ಮಾನ ಮಾಡಿತ್.
11. "ಶಿಲ್ಪಿ ಕಾಮೆಯಂಡ ಮುತ್ತಣ್ಣ" ಗೇನತ್ ಕಲಾ ನಮ್ಮೆ : ಕೊಡವ ಭಾಷಿಕಂಗಲಾನ "ಐರಿ" ಜನಾಂಗತ್‌ರ ಕೇಳಿಪಟ್ಟಿ ಕಲಾವಿದ ಶಿಲ್ಪಿ ಕಾಮೆಯಂಡ ಮುತ್ತಣ್ಣ ಅಯಿಂಗಡ ಗೇನತ್ ಶಿಲ್ಪಕಲೆ ನಮ್ಮೆ, ಶಿಲ್ಪಕಲೆರ ಪ್ರದರ್ಶನ, ಕೊಡವ



ಮಾಲ್ಮಟತಾರ ಪ್ರದರ್ಶನ, ಕಲೆಕ್ ಸಂಬಂಧಪಟ್ಟ ವಿಚಾರಗೋಷ್ಠಿ ನಡೆತವೊ.

12. ಬಿ.ಡಿ. ಗಣಪತಿ ಗೇನತ್ "ಕೂಡವ ಸಂಸ್ಕೃತಿ, ವಿಚಾರಗೋಷ್ಠಿ" : ಕಾಲೇಜ್‌ಮಟ್ಟತಲ್ ಕೂಡವ ಸಂಸ್ಕೃತಿನ ಪ್ರಚಾರ ಮಾಡುವ ಉದ್ದೇಶತಾರ ಕೂಟಕ್ ಕೇಳಿಪಟ್ಟ ಸಾಹಿತಿ ಬಿ.ಡಿ. ಗಣಪತಿ ಅಯಿಂಗ ಕೂಡವ ಸಂಸ್ಕೃತಿ ಪಿಂಞ ಜನಾಂಗತಾರ ವಿಷಯತಲ್ ಎಳ್‌ದಿಶುಳ್ಳ ಸಮಗ್ರ ಸಾಹಿತ್ಯತಾರ ಪರಿಚಯ ಪಿಂಞ ಅಧ್ಯಯನ.
13. ಮಡಿಕೇರಿ ಕೋಟೆ ಪಿಂಞ ಗದ್ದಿಗಲ್ ಕಾರ್ಯಕ್ರಮ : ಮಡಿಕೇರಿರ ಕೇಳಿಪಟ್ಟ ಸ್ಮಾರಕ ಕೋಟೆ ಪಿಂಞ ಗದ್ದಿಗಲ್ ದಂಡ್ ಕಾರ್ಯಕ್ರಮ ನಡೆತವಕ್ ತೀರ್ಮಾನ ಮಾಡಿತ್. ಬೈಟಾಪಕ ನಡೆತವ ಈ ಕಾರ್ಯಕ್ರಮತಲ್ ಕೂಡವ ಸಂಗೀತ ರಸಮಂಜರಿ, ಕೂಡವ ತೆಳಿನಮ್ಮೆ, ಕೂಡವ ಚುಟುತಕಾರ ರಸಗೋಷ್ಠಿ ನಡೆತವಕ್ ಅವಕಾಶ ಉಂಡ್.
14. ದೇವ ಬಾಳೋ ಮಾದೇವ-ಕನ್ನಿ ಬಾಳೋ ಕಾವೇರಿ : ಜಿಲ್ಲೆರ ಮುಜರಾಯಿ ಇಲಾಖೆಕ್ ಕೂಡನ ತಲಕಾವೇರಿ ಭಾಗಮಂಡಲ, ಭಗಂಡೇಶ್ವರ, ಪಾಡಿ ಇಗ್ಗುತಪ್ಪ, ಪಿಂಞ ಇರ್ಪು ರಾಮೇಶ್ವರ ಈ ಅಂಜಿ ದೇವಸ್ಥಾನತಲ್ ಕೂಡವ ಭಕ್ತಿ ಗೀತೆ ಕಾರ್ಯಕ್ರಮ.
15. ಅರ್‌ಂಜಯಿಂಗಡ ಪಟ್ಟಿಲ್ ಆರ-ಬೇರ ಪಳಮೆ : ಕೂಡವ ಭಾಷೆ, ಸಾಹಿತ್ಯ, ಸಂಸ್ಕೃತಿ, ಜಾನಪದ ಕಲೆಲ್ ಪೆರ್ತ್ ಸಾಧನೆ ಮಾಡ್ನ ಸಾಧಕಂಗಡ ಮನೆಕ್ ಪೋಪಂಜಿ ಋದ್ಧಾಯಿತ್ ಅಯಿಂಗಡ ಕೂಡ ತಕ್ಕ್ ಬಾಕ್ ನಡೆತವಂಜಿ ಅಯಿಂಗಡ ಅನುಭವತನ ಕೇಪನ್ನತ ಕಾರ್ಯಕ್ರಮತನ ಅಕಾಡೆಮಿಕಾರ ನಡೆತುವ. ಬಯ್ಯಂಜಿ ಅಯಿಂಗಡ ಮನೆಲೇ ಸನ್ಮಾನ ಮಾಡಿತ್ ಗೌರವ ಕೊದಿವೊದ ಕೂಡಪ.
16. ಅಕಾಡೆಮಿರ ಸಂಚಿಕೆ : ಅಕಾಡೆಮಿರ ಕಲಸ ಕಾರ್ಬಾರ್‌ನ ನಾಡ್‌ರ ಎಲ್ಲಾ ಮಾಜನಕೂ ಎತ್ತೆಚಿಡುವ ಉದ್ದೇಶತಲ್ ಪ್ರತಿ ಮೂಂದ್ ತಿಂಗಕೊಮ್ಮೆ ಅಕಾಡೆಮಿರ ಪಳಮೆ ಎಣ್ಣುವ ಸಂಚಿಕೆನ ಕೂಂಡಬಪ್ಪಕ್ ತೀರ್ಮಾನ ಮಾಡಿತ್.
17. ಸಂಘ ಸಂಸ್ಥೆಕಾರಡ ಸಹಕಾರತ್ ಕಾರ್ಯಕ್ರಮ : ಬೋರೆ ಬೋರೆ ಸಂಘ ಸಂಸ್ಥೆಕಾರಡ ನಳತ್ ಕೂಡವ ಅಕಾಡೆಮಿರ ಮೂಲಕ ತಂಡ ಪ್ರಾಯೋಜನೆರ ಕಾರ್ಯಕ್ರಮತನ ಸ್ಥಾಯಿ ಸಮಿತಿರ ತೀರ್ಮಾನತಾರ ಪೋಲೆ ನಡೆತವ.
18. ಕೂಡವ ತಕ್ಕಾರ ಬೊಳಚೆರ ಉದ್ದೇಶತನ ಜಿಲ್ಲೆರ ಎಲ್ಲಾ ಸರ್ಕಾರಿ ಅಧಿಕಾರಿಯಕ್ ಪಿಂಞ ಸಿಬ್ಬಂದಿಯಕ್ " ಕೂಡವ ತಕ್ಕ್ ವಡಿಪು" ಶಿಬಿರ ಏರ್ಪಾಡ್ ಮಾಡಿತ್.
19. ಐನ್‌ಮನೆ ಆರವಾಡ್ ಪಿಂಞ ಮಂದಲ್ ಕಾರ್ಯಕ್ರಮ :
ಕೂಡವ ಪಿಂಞ ಕೂಡವ ಭಾಷಿಕ ಜನಾಂಗಕರಾಡ ಮೂಲ ಸಂಸ್ಕೃತಿರ ಅಡಿಪಾಯ ಆನ 'ಐನ್‌ಮನೆ'ರ ಪಾವಿತ್ಯತೆ ಪಿಂಞ ಅದ್‌ನ ನಂಗ ಉಳ್‌ಚಿಟ್ಟಿವ ಉದ್ದೇಶತ ಕಾಲಕ್ ಮೂಂದ್ ಐನ್‌ಮನೆ ಪಿಂಞ ಮೂಂದ್ ಮಂದಲ್ ಕಾರ್ಯಕ್ರಮ 'ಐನ್‌ಮನೆ'ರ ಕಾರ್ಯಕ್ರಮ ನಡೆತವಕಾಪಕ ಮನೆಕಾರ ಮಂಗಲಾಯಿತ್ ಬೋರೆ ಒಕ್ಕಕ್ ಪೋಯಿಶುಳ್ಳ ತಾಮನೆ ಮೂಡಿಯ, ಬೆಂದುಚಂಜಾದಿಯುಳ ಒಕ್ಕಚಿ ಕೂಟುವಂಜಿ ವಿಚಾರ ಸಂಕಿರಣ ಪಿಂಞ ಸಾಂಸ್ಕೃತಿಕ ಕಾರ್ಯಕ್ರಮತನ ನಡೆತವೊ.
ನಂಗಡ ಸಂಸ್ಕೃತಿರ ಮೂಲಬೇರ್ ಆನ ಮಂದ್‌ನ ಉಳ್‌ಚಿಟ್ಟಿವದ್ ನಂಗಡ ಆದ್ಯ ಕರ್ತವ್ಯ. ಈ ಹಿನ್ನೆಲೆಲ್ ನಿಂದ್ ಪೋಯಿಶುಳ್ಳ ಮಂದ್‌ನ ಚಾಯಿಕೂಟುವಂಜಿ ಕಾರ್ಯಕ್ರಮತನ ನಡೆತವಕ್ ಅಕಾಡೆಮಿ ಗೇನ ಮಾಡಿತ್.
20. ಕೂಡವ ನಾಟಕತನ ಪಡ್‌ಪಾಚಿಡುವೊ ಪಿಂಞ ನಾಟಕ ನಮ್ಮೆ
ಜಿಲ್ಲೆಲ್ ಆಯ್ಕೆ ಮಾಡ್‌ನ ಮೂಂದ್ ಶಿಕ್ಷಣ ಸಂಸ್ಥೆಲ್ 25 ದಿನತಾರ ಬೋರೆ ಬೋರೆ ನಾಟಕ ಪಡ್‌ಪಾಚಿಡುವೊ, ಪಡ್‌ಚ ನಾಟಕತಾರ ಪ್ರದರ್ಶನ ಜಿಲ್ಲೆಲ್ ನಾಟಕ ನಮ್ಮೆ, ಕರ್ನಾಟಕ ನಾಟಕ ಅಕಾಡೆಮಿರ ಸಹಕಾರತಲ್ ಬೆಂಗಳೂರ್‌ಲ್ ನಾಟಕನಮ್ಮೆ, ವಿಚಾರ ಸಂಕಿರಣ ಪಿಂಞ ರಂಗಗೀತೆ ಕಾರ್ಯಕ್ರಮ ನಡೆತವೊ.
21. ಪೊರಜಿಲ್ಲೆಲ್ ವಿಚಾರಗೋಷ್ಠಿ
ಕಾಲಕ್ ಅಂಜ ಮೂಂದ್ ಜಾಗತಲ್ (ಪೊರ ಜಿಲ್ಲೆಲ್) ಅಲ್ಲಿಯತಾರ ಸಂಘ ಸಂಸ್ಥೆಕಾರಡ ನಳತ್ ಓರ್ ದಿನತಾರ

ಕಾರ್ಯಕ್ರಮ ನಡೆತುವೂ. ಅಲ್ಲಿ ವಿಚಾರಗೂೂಷ್ಠಿ ಕಲಾ ತಂಡಕಾರಳುಂಡ್ ಕಲಾ ಪ್ರದರ್ಶನ, ಬೈಟಾಪಕ ನಾಟಕ ಪಿಂಞ ಸಂಗೀತ ಕಾರ್ಯಕ್ರಮ ಇಪ್ಪ.

22. ರಾಜ್ಯ ಮುಟ್ಟಿತ್ಯಾರ ಸಾಹಿತ್ಯ-ಸಂಸ್ಕೃತಿ ನಮ್ಮ

ಇದ್ ದಂಡ್ ದಿನತಾರ ಕಾರ್ಯಕ್ರಮ. ದಿಸೆಂಬರ್ ತಿಂಗತಾರೂಳ್ ಳ್ ಕಾರ್ಯಕ್ರಮತಾನ ಖಿಡ್ಡಾಯ ಆಯಿತ್ ನಡೆತಾವಕ್ ತೀರ್ಮಾನ ಮಾಡಿತ್. ಬೂೂರೆ ಬೂೂರೆ ಕೂವುಲ್ ಖರ ಸಾಧನೆ ಮಾಡ್ನಯಿಂಗಕ್ ಪ್ರಶಸ್ತಿ ಕೂಡ್ಪೂ, ಪುಸ್ತಕ ಬುಡ್ಗಡ ಆಟ್ಪಾಟ್ ಪೈಪೂೂಟಿ, ವಿಚಾರಗೂೂಷ್ಠಿ, ಪುಸ್ತಕ ಪ್ರದರ್ಶನ ನಾಟಕ ಪಿಂಞ ಸಂಗೀತ ಕಾರ್ಯಕ್ರಮ ಇಪ್ಪ.

23. ಬಾಳೂ ಉಮ್ಮತ್ ಬೂೂಳಕ್ ಕಾರ್ಯಕ್ರಮ

ಕೂಡವ ಸಂಸ್ಕೃತಿಲ್ ಚಾನಪದಕ್ ವಿಶೇಷ ಸ್ಥಾನ ಉಂಡ್. ಆಟ್ಪಾಟ್ನ ಅಭಿಮಾನ ಉಳ್ಳ ದಾರ್ ಬೂೂಂಡಿಕಯೂ ಪದಿಕಲು. ಅದತಲೂ ಮುಖ್ಯ ಆಯಿತ್ ಎಳಯಯಿಂಗಕ್ ಪಡ್ಪಾಚಿಡಂಡೂಂದೆಣ್ಣವ ಉದ್ದೇಶತ್ ರೂಪ್ಚಿಟ್ಟಿ ಳ್ ಯೂೂಜನೆ ಪೂೂಲೆ ಕಾಲತ್ 10 ಶಿಕ್ಷಣ ಸಂಸ್ಥೆ ಪಿಂಞ 5 ಸಂಘ ಸಂಸ್ಥೆಲ್ ಳ್ ಕಾರ್ಯಕ್ರಮ ನಡೆಪ. 15 ದಿನತಾರ ಳ್ ಶಿಬಿರತ್ ಪಡಿಪ್ಪಾಕಾರಳುಂಡ್ ಆಟ್ಪಾಟ್ ಪಡ್ಪಾಚಿಡುವ. ಬಯ್ಯಂಜಿ ಆಖೀರಿ ಸಮಾರಂಭತಾನ ಪಡ್ಚ ಆಟ್ನ ಪ್ರದರ್ಶನ ಮಾಡುವ.

24. ಪುಸ್ತಕ ಪಿಂಞ ಪಿ.ಡಿ. ಪ್ರಕಟಣೆ

ಕೂಡವ ತಕ್ಕ್ಲ್ ಬೂೂರೆ ಭಾಷೆರ ಅನುವಾದ ಕೃತಿ, ಕೂಡವ ಭಾಷೆಲ್ ಬೂೂರೆ ಬೂೂರೆ ಸಾಹಿತ್ಯ ಪ್ರಕಟಣೆ ಕೂಡವ ಸಂಸ್ಕೃತಿ ಪಿಂಞ ಚಾನಪದ ದಾಖಲೆ ಉಳ್ಳ ಸಿಡಿನ ತಯಾರ್ ಮಾಡುವೂ.

25. ಆಮುಕ್ಕಡ/ಪೂೂಮ್ಮಕ್ಕಡ ಸಾಂಸ್ಕೃತಿಕ ನಮ್ಮ

ಜಿಲ್ಲೆಲ್ 10 ನೇ ಕ್ಲಾಸಂಜ ಪದವಿಕತ್ತನೆ ಓದಿಯಂಡುಳ್ಳ ಮುಕ್ಕಕ್ ವಿಶೇಷ ಆಯಿತ್ ಬಲ್ಯ ಮುಟ್ಟಿತ್ಯಾರ ಸಾಂಸ್ಕೃತಿಕ ನಮ್ಮ ನಡೆತಾವಕ್ ತೀರ್ಮಾನ ಮಾಡಿತ್. ಅನ್ನನೇ ಚೆರಿಯಮುಕ್ಕಕ್ ಸಾಂಸ್ಕೃತಿಕ ನಮ್ಮನ ನಡೆತಾವಂಡ ಮೂೂಲಕ ಸಾಹಿತ್ಯ ಸಂಸ್ಕೃತಿರ ವಿಷಯತ್ ಪೂೂಡ್ ಬಪ್ಪನ್ನಕ ಮಾಡುವ ಉದ್ದೇಶತ್ಲ್ 4,5,6,7,8,9ಲ್ ಓದಿಯಂಡುಳ್ಳ ಮುಕ್ಕಕ್ ಆಟ್ಪಾಟ್ ಪ್ರಬಂಧ ಎಳ್ದಾವೂ ಪೈಪೂೂಟಿನ ಏರ್ಪಾಡ್ ಮಾಡುವೂ.

26. ಬೂೂರೆ ಅಕಾಡೆಮಿರ ನಳತ್ ಕಾರ್ಯಕ್ರಮ ನಡೆತುವೂ

ತುಳು, ಕೂೂಕಣಿ, ಕನ್ನಡ ಸಾಹಿತ್ಯ ಅಕಾಡೆಮಿ ಪಿಂಞ ನಾಟಕ ಚಾನಪದ ಅಕಾಡೆಮಿರ ಕೂಡ್ಕೂಟತ್ ಪರಸ್ಪರ ಸಾಂಸ್ಕೃತಿಕ ವಿನಿಮಯ ಕಾರ್ಯಕ್ರಮ

27. ಕೂಡವ ಸಿನಿಮಾ ನಮ್ಮ

ಇಕ್ಕಾಕಣೆ ಬುಡ್ಗಡ ಆಯಿತುಳ್ಳ ಕೂಡವ ಸಿನಿಮಾತಾರ ಬಗ್ಗೆ ವಿಚಾರಗೂೂಷ್ಠಿ ಸಿನಿಮಾ ನಮ್ಮ, ಕೂಡವ ಸಿನಿಮಾತಾರ ಸ್ತಿತಿಗತಿರ ಬಗ್ಗೆ ಖರ ಚರ್ಚೆ ಮುಕ್ಕಕ್ ಬಣ್ಣೆ ಕೂಡವ ಸಿನಿಮಾ ಪ್ರದರ್ಶನತಾನ ಏರ್ಪಾಡ್ ಮಾಡುವೂ. ಕೂಡವ ಸಿನಿಮಾ ಬೂೂಳಂದಿತ್ ಬಂದ ಬಟ್ಟೆರ ಬಗ್ಗೆ ಚೆರಿಯ ಪುಸ್ತಕ ಎಳ್ದಿತ್ ಬುಡ್ಗಡ ಮಾಡುವೂ.

28. ಚಿತ್ರ ಬುಡುತಾವ ಪೈಪೂೂಟಿ

ಹೈಸ್ಕೂಲ್ ಪ್ರವಾಸಿ ಕೇಂದ್ರ ಪಿಂಞ ಕೂಡವ ಚಾನಪದ ಸಂಸ್ಕೃತಿರ ವಿಷಯತ್ಲ್ ಚಿತ್ರ ಬುಡುತಾವ ಪೈಪೂೂಟಿ ಪಿಂಞ ಮುಕ್ಕಕ್ ಚಿತ್ರಕಲೆರ ಪ್ರದರ್ಶನ.



పంపిణీ

తేదీ : 30-11-2012 శనివారం



ಕ್ರ. ಸಂ.	ಪುಸ್ತಕತ್ವರ ಪೆದ	ಆಚ್ಚ್ಚೆ ಬೆಲೆ	ರಿಷಯಾಯಿತಿ	ಮಾರಾಟಬೆಲೆ
1.	ಪಟ್ಟೋಲೆ ಪಳಮೆ	375.00	35%	245.00
2.	ಅಪ್ಪಚ್ಚೆ ಕವಿ ನಾಲ್ಕು ನಾಟಕಗಳು	250.00	35%	165.00
3.	ಪಳಮೆ ಪೊಮ್ಮಾಲೆ	120.00	35%	80.00
4.	ದೇವ ನೆಲೆ	144.00	35%	95.00
5.	ಕೊಡವ ತೀನಿ	40.00	35%	25.00
6.	ಕೊಡವ ಭಾಷಿಕ ಮೂಲ ನಿವಾಸಿಯ	240.00	35%	155.00
7.	ಅಪ್ಪನ ತುದ್‌ಚಿತ್	20.00	35%	15.00
8.	ಮನತ್ ಉದ್‌ಚದ್	16.00	35%	10.00
9.	ಆ ಬಾಳ್	30.00	35%	20.00
10.	ಒರ್ ಕೊಲೆರ ಸುತ್ತ	50.00	35%	30.00
11.	ಚುಪ್ಪಿಕೋರ್ ಪೆಪ್ಪಿ	20.00	35%	15.00
12.	ಚದ್‌ಚಿಯ ಚಂಚಾದಿ	50.00	35%	30.00
13.	ನಿತ್ಯ ಪುಷ್ಪ	30.00	35%	20.00
14.	ನವರಾತ್ರಿಯ ಕೋಲ್ಮಿಂಚು	10.00	35%	10.00
15.	ಶಿವರಾತ್ರಿ ಪುರಂ ಮದಾತ್ರೆ	10.00	35%	10.00
16.	ಆಖೀರಿ ತೀರ್ಮಾನ	20.00	35%	15.00
17.	ಭಗವದ್ಗೀತೆ	50.00	35%	30.00
18.	ಪೊನ್ನಕ್	30.00	35%	20.00
19.	ಚೋಮ	10.00	35%	10.00
20.	ಕೊಡಗ್‌ರ ಗೌರಮ್ಮಂಡ ಕಥೆ ಗೂಡ್	30.00	35%	20.00
21.	ಬಾಚಮಾಡ ಡಿ ಗಣಪತಿ	10.00	35%	10.00
22.	ಪುರ್‌ಡ್‌ಕೋರ್ ಕೊಂಬು	30.00	35%	20.00
23.	ಈ ಬೀವ ನೀಕಾಯಿತ್	70.00	35%	45.00
24.	ತಣಗಚ್ಚಿರ ಕಥೆಗೂಡ್	8.00	35%	08.00
25.	ಕೊಡಗ್‌ರ ಆರಬೇರ	24.00	35%	15.00
26.	ತೊಟ್ಟಾಂಜಿ ಚಟ್ಟಕೆತ್ತನೆ	24.00	35%	15.00
27.	ಕಯಿಪ್ ಮೊವ್‌ಪ್	24.00	35%	15.00
28.	ಚೆಕ್ಕೀರ ಅಪ್ಪಯ್ಯ	10.00	35%	10.00
29.	ಕೊಡಗ್‌ರ ಕೈಗನ್ನಡಿ	32.00	35%	20.00
30.	ಹರಿದಾಸ ಅಪ್ಪಚ್ಚೆ ಕವಿರ ನಾಲ್ ನಾಟಕ	240.00	35%	155.00
31.	ಕವಿತೆಗಳ ಸಾಲುದೀಪ	10.00	35%	10.00
32.	ಕವಿತೆ ಅರಳುವ ಮೊತ್ತು	5.00	35%	05.00
33.	ಪಡೆಯಾಳಿ ತಿಮ್ಮಯ್ಯ	16.00	35%	10.00
34.	ಕಾಪ್ಪ ಗುಚ್ಚ	5.00	35%	05.00
35.	ವಿಶ್ವ ಮಾನ್ಯ ದಿನ	50.00	35%	30.00
36.	ಅಂಜ ಕತೆ	60.00	35%	40.00
37.	ಪಡೆಬೀರ ತಿಮ್ಮಯ್ಯ	80.00	35%	50.00
38.	ಅದ್ಭುತ ಮೊಟ್ಟೆ	40.00	35%	25.00

ಕ್ರ. ಸಂ.	ಪುಸ್ತಕದ ಹೆಸರು	ಮುದ್ರಣ ಬೆಲೆ	ರಿಷಯಾಯಿತಿ	ಮಾರಾಟಬೆಲೆ
39.	ಎತ್ತರಕ್ ಪತ್ನವು	20.00	35%	15.00
40.	ಐ.ಮಾ. ಮುತ್ತಣ್ಣಂಡ ಕವನ ಮಾಲೆ	30.00	35%	20.00
41.	ಕೂರ್ಗ್ ಸ್ಟಾರ್ ಚಿಕ್ಕೇರ ಅಪ್ಪಯ್ಯ	50.00	35%	30.00
42.	ಚಿಕ್ಕೇರ ಬಿ. ಮೊಣ್ಣಯ್ಯ	42.00	35%	25.00
43.	ಕೈಮಡ	50.00	35%	30.00
44.	ಭಕ್ತರತ್ನಾಕರ ಕೀರ್ತನೆ	98.00	35%	65.00
45.	ಮುತ್ತ ಮಾಲೆ	50.00	35%	30.00
46.	ಕೈಮಡಿ ಪುಸ್ತಕ	224.00	35%	145.00
47.	ಕವನ ದೀಪಿಕಾ	10.00	35%	10.00
48.	ಕಕ್ಕಡ ಕವನ	10.00	35%	10.00
49.	ಪೂಮಲೆ ಕುಡಿಯ	30.00	35%	20.00
50.	ಪುಣ್ಯ ಕೊಡಗ್	20.00	35%	15.00
51.	ಭೂತಾಯಿರ ಮಡಲ್	20.00	35%	15.00
52.	ಕವನ ಕಕ್ಕಡ	10.00	35%	10.00
53.	ಬಾಳ್ ಬೊಳ	10.00	35%	10.00
54.	ಬಾಳ್ ಬಂಡಾಟ	22.00	35%	15.00
55.	ಬಾಳೋಪಾಟ್ ರ ಭೀರ್ಯ	20.00	35%	15.00
56.	ವೈಚಾರಿಕ ಎಳ್ ಲೇಖನ	50.00	35%	30.00
57.	ಯೋಗ ಬಯಂದಕ	105.00	35%	70.00
58.	ಕೊಡಗ್ಲಿಂಜ ಕೊಡವ ನಾಯಕಂಗ	90.00	35%	60.00
59.	ಆಂಜಿ ಮುತ್ತ	110.00	35%	70.00
60.	ಕವನ ಪೊಳ್ಡ್	10.00	35%	10.00
61.	ಕೊಡವ ಚಂದೂಕ	30.00	35%	20.00
62.	ಕೊಡವ ಜನಪದ ಸಿ.ಡಿ	80.00	-	80.00
63.	ಮುತ್ತ ಮಾಲೆ ಸಿ.ಡಿ.	90.00	-	90.00
64.	ಮಳೆ ಬೊಳೆ	20.00	35%	15.00
65.	ಕೊಡವ ಭಕ್ತಿ ಪಾಟ್	45.00	35%	30.00
66.	ಕಾವ್ಯ ಲವರಿ	30.00	35%	20.00
67.	ಕವಿ ಹೃದಯ	10.00	-	10.00
68.	ಕಾವ್ಯ ಸಿರಿಜನ	10.00	-	10.00
69.	ಬಾಡ್ನ ಪೂ	38.00	35%	25.00
70.	ಪಾಜಗೊಳ	40.00	35%	30.00
71.	ಜಙುಭಾರತ	771.00	35%	500.00
72.	ಹಿಗೊಣದು ಕವಿತೆ	10.00	-	10.00

